

萬曆辛亥京察記事始末

萬曆辛亥京察記事始末卷之四

汝南周念祖

吏部右侍郎蕭雲舉爲風波突起痛懼交深九懇
聖慈曲體苦情 特恩放歸事臣于本月初三日聞
言引罪泣血控陳仰荷日月大明下燭幽隱奉

聖旨蕭雲舉素有學行且職在佐察豈得輕于誣讎
這奏辦事情知道了着卽出供職吏部知道臣捫
心自省感泣涕零雖焚香扶掖叩頭謝

恩訖已于初七日八疏陳情未蒙批示臣前疏謂杜
口塞兌不復曉曉近接邸報疊有煩言其中崖畧

不容無說在御史喬允升則謂原任刑部主事秦聚奎之疏臣爲之倡而若以富貴功名餌也誠如是則必促膝深談陰盟密許然後可而臣于聚奎何如也當其差西粵恤刑時臣已註籍不見客矣未投一刺未識一面姓名不通何況杯酒然官朝官也臣朝臣也可以餌言乎如以餌則身叅察計自隳紀綱誘人以慕羶操戈而反向如斯行徑卽犬豕不食其餘而猥加千斤斤守拙之夫誰能甘此若金明時劉國縉兩臣者其考選

命下之日臣曾彼此交拜一二次今已數年矣此後

絕不往返一切書札宴會俱無人以爲泰和係臣
舊鄉而不知此戚里臣多疎闊蓋拙性固然今吉
安士夫見在可問也僞書不知出自誰手然衆所
共睹孰不知之何獨于臣疑其漏泄蓋以訛傳訛
日甚一日無端無影與臣何干至于臣與王圖極
厚極善相愛相成交驩莫逆則有之矣如允升所
云受氣則未也圖與臣爲兄弟行無使氣之理亦
無是事臣何從受之卽此二端餘不足辨在御史
張養正則謂臣引誘後進煽惑時流所云舊輔豈
湘宣城與金吾輩皆絕無關涉之人而金吾武弁

不同途面貌聲音不審何狀大槩交遊之寡至
極矣今縉紳中識臣面者十不一二寡言楚簡
干牘不喜應酬若以爲四布書札帶劔揮戈臣無
此精神亦未具此腸胃惟疎慵淺淡以是爲病耳
古之挾仙術者蛻人骨不能易人貌乃哆口而
欲換人心術憂憂乎難哉嗟夫務實者先自治
者祇自誣頃來世務紛拏若駕海觀濤升木
氷軒非崇徒步非賤臣顧驚下于公家無毫
今病母年七十餘日危一日未有痊期目
如人入水火焦頭陷頂拯援之不暇奚問

身名哉昨者偶卧齋中第瞪目而視口嚞嚞不能
語家人急灌蘇合半晌乃甦頃之少定又霍亂吐
瀉達旦不承睫今形如鵠立髮班班變矣景況如
斯

皇上以爲可憐否臣侍

講席近三年歲時叨文綺白金之錫敬珍藏之若
陛下放臣歸將此而紉一裳治一湯一藥徼
至尊之靈爽出

尚方之惠貺何論丹台萬一猶能起疴還壯延年益
母是生死而肉骨之臣幸滋甚聖人達孝其錫類

詎有涯哉且詞林故多彥儘可以備講帷充任使
從來日講何但二人若臣者才不赴志病復嬰心
進退無所憑依去留何足輕重失今不歸誠恐曉
露易晞冬曦易下老親難待臣病難痊使人謂文
學講臣居恒言忠言孝乃乞一省親之恩于朝
廷而不可得至不勝其悽惋也似非盛世事伏惟
皇上思之間一行之臣百哀百叩伏望

特允特憐臣曷任迫切懸望待 命之至

辛亥五月十八日

日講官吏部右侍郎兼翰林院侍讀學士王圖爲
微臣疊荷

恩畱感激思報無柰病勢日重力不從心辜負
洪慈九死莫贖仰祈

聖鑒早遂生還事臣于 國家不啻鴻毛何足爲輕
重何足爲有無乃臣冒 禁辭 朝自甘鼎鑊
皇上不以爲罪反加慰畱旬日之間三奉

溫旨仰窺

聖意若不勝其遺簪敝履之惜者臣非木石寧不捧
華綸而增耀感 特恩而思報哉被

命以來廣延醫術備檢禁方冀沉痾之少蘇效驅馳
之微願豈料病根已久病勢已深體骨尪羸氣血
閉結榮衛俱損飲啖全虧晝夜如煎鍼砭莫效是
微臣縱有大馬報效之願而衰病所纏雖欲強自
策勵而有所不能矣且臣辭闕出城本以養病
也寺觀閒寂之所既不利于移家市塵喧鬧之區
復不利于調理惟有仰邀

天語早放臣歸解鎖開籠庶幾少有生路耳

皇上念臣憐臣而不體臣放臣俾繫鳥涸鱗得以全
旦夕之微命也臣猥荷恩留豈敢違

旨固辭以甘。嚴譴第生死關心。不得哀鳴于
君父之前。一字一淚一淚一血。伏覲
皇上哀矜典赦。臣臨疏不任籲天泣禱懇切待
命之至。

辛亥五月廿九日

南京兵科給事中高節爲羣邪煽禍匪輕國勢
孤立可虞懇乞

聖明急賜處分以息煩囂以消隱憂事臣聞有道之
世公卿大夫濟濟于朝同心併力以助勦王室故
羣工諧于下而主勢日隆于上有和衷之美無凌
軋之風不聞祗便身圖罔思大義相傾相戕無有
寧宇如今日者寧不足爲國社寒心哉臣賦性
迂直素寡交游僻居江南長安消息無繇得聞所
據者邸報而已矣復閱今日邸報論察事者幾滿
公車臣虛中而觀其間是是非非之分亦稍稍有

槩于中矣謹平心而語

皇上試垂聽焉蓋天下惟公足以服人之心亦惟無所偏聽而成其無私之公自非然者未有能服人者也況計典何事也而可以私意參乎吏部尚書孫丕揚受

皇上特達之知起自田間仕宦五十年被恩深厚況矢心服主乃其素志豈不欲以公心行直道報答殊遇光茲大典肯甘心倒置以滋人言哉惟是鄉曲情重逆詐智疎過信讒說殃及善類致二百年斥幽重典一旦輕如鴻毛此非丕揚之負

陛下乃王圖之誤不揚耳不揚以虛心聽王圖而圖
遂乘其虛而入之其考察也祇憑單開不察脉路
將金明時突爾持叅王紹徽劉國縉一槩混處鄭
繼芳使非力救有人幾爲飛矢所中一箭三鵬良
非虛語此等舉動殊駭見聞故飛報一傳長安景
象不知何以但見南中大小臣工相顧錯愕咸曰
太宰佐院老成練達吏掌科河南道素稱停妥胡
乃爾爾恐旦夕間必有抱不平而挺身上疏者果
未幾而秦聚奎捨死報國之疏出矣南中開然
稱快以爲此一疏也足以破羣邪之膽而白當事

者無意無必之心矣不意王圖一點毒心被人瞧破咆哮更甚復慫慂而加以阻撓之名以爲此可箝奎之口因而箝衆口矣不知聚奎之拚命陳言也責以出位言事中欠分曉則可謂之阻撓分明恐嚇恐不足以屈聚奎之強項也猶之金明時之叅論王圖也謂之懼其反噬共拚一敗則可謂之要挾終屬牽合恐不足以定明時罪案也此兩人已不可愚矣況可愚天下乎況可箝衆口乎大率今歲北察太宰不差而事差天下雖議其事亦未嘗不諒其心太宰之爲太宰猶然完具無傷也獨

恨王圖之操心抑何熱而毒手抑何狠耶揆席原是詞林故吾若是脚根站正富貴自然逼人何用心忙手亂功名本從姱脩而得但肯養靜處恬羣情自爾共推奚必呼朋引類柰何見不出此傾心結納三五新進識見未定之人號召時流星來月去攘臂駢肩爭爲幕賓故長安有先入關者爲王之誑礙手者芟艾必盡忿爭者株連不已甚且暗唆黨與震撼同籍臣故曰其操心甚熱而毒手甚狠也大抵今之爭辯者不過曰王淑朴史記事不該留王紹徽劉國縉金明時不該處不知不處余

明時何以保王淑朴不處王紹徽劉國縉何以脫
史記事而洩耀州之憤此數人者勢不兩立者也
丁元荐倚傍東林顛倒是非反不得與秦聚奎同
處假書果係何人傳遍與王氏父子賊私之有無
至今含糊並置不問此其故又不可解矣太宰因
考察而怒諸臣固所以重計典名相左而實相成
總之爲公非爲私也臣所言者皆諸臣之所已言
況機局已定處分已明豈不知言之爲贅癰乎但
會典有考察不公許科道官指實劾奏之例臣科臣
也敢默默已乎且欲存南中一段議論以見公道

之在人心不容終泯耳乃臣所不滿于王圖者又不獨縱子害人希冀大物已也北直河道經歲未雨濟充臨德樹皮充饑人妖物怪無歲蔑有且近日怡神殿又有回祿之變非

上下焦勞時乎圖又明知

聖躬新愈不耐煩勞借名乞休再三激聒意欲何爲忍心害理莫此爲甚有臣若此將焉用之臣謂王圖不可留也伏望

皇上大奮乾斷將王圖准其致仕王淑朴史記事丁元荐從重議處老成之人不可不惜孫丕揚許

弘綱促之視事蕭雲舉聽其回籍以俟公論之定
然後起用庶國體正而人心亦服衆志安而

國無孤立之患矣臣又有說焉三年前未聞有東林
之號柰何當治平之世而突有處士橫議之名乎
散小羣以成大羣豈非盛美休風耶司馬光歸
洛絕口不論時事又何必自創立門戶以叢訾議
至于許弘綱苦心調停情有可原曹于汴湯兆京
任怨管察夫豈得已臣因是而又有慨于士風之
不古也下焉者志在功名富貴無論已太上亦不
過潔身潔名已耳以身殉國之忠期與大小臣

工共勉之臣疏遠孤踪輕犯惡黨自知不免臣將
甘之矣

辛亥六月初三日

南京福建道御史王萬祚爲黜幽太典宜結誤

國禍本宜除敢發姦正訛仰祈

聖斷以一法紀以杜囂競事臣竊惟天下有一定之
紀綱法度有不易之天理人心以天理人心爲紀
綱法度舉措當而上下安矣姦邪患失念重借

國家公典以快私圖又借憂亂美名以掩姦計老成
被其顛惑政典被其淆亂此周詩所以有訛言之
憂宋儒所爲著辯姦之論者也今者北察告竣邸
報至南都輿論藉藉咸謂其太恢奇而少鎮靜置
權衡而樹矛戟祇以疏未蒙發不敢再奏無何

秦聚奎繼金明時處矣摘叅七臣之疏下矣羣姦
焰張鄙夫恨熱爲王圖勸進以希首功者且再見
告矣臣譁於下

君疑於上孫丕揚不能自安而徑求去矣臣又見李
化龍蕭雲舉許弘綱俱杜門乞休羣臣離散皆以
一察典之故

皇上猶不動念乎兩京文武諸曹去留無別人心皇
皇竊恐一局未了他變叢生

天子無戲言伏懇 慨然 檢發以實

詔旨老成未去者可留大僚見缺者速補則諗諛訛

訛之徒散而師師濟濟之象出矣然孫丕揚胡以
欲去得非由王圖爲之禍胎乎成事既往孔子亦
徒爲魯社與嗟詖行淫辭孟子不憚爲懼亂肆辯
臣請得頌圖誤丕揚之罪而并訂此敗局之訛可
乎圖將有入相之望丕揚托以心膂政事人物就
而咨焉豈獨以梓里情親夫亦謂相天下者其心
必公其言必正與人必慎擇而其經世必且奉公
循理耳不意圖乃闇而貪僻而儉者卽如都下昭
彰王淑扑污穢已極猶罵人謗毀竭寶坻民膏爲
借奉燕市酣如狂知而不問聚鄉曲脂韋滑稽伎

忒佞倖者爲謀主無賴新進相引爲曹蟻集蛾燭
留騎入幕馳馳聲音顏色來譏諂面諛之人矣五
載大察圖密主謀議御史金明時疏論圖父子及
其黨與明時嘗監臨淑朴者獨恨其不論於巡關
之時而論於改教之後可遂謂明時不宜論乎君
子不以言舉人不以人廢言明時自爲明時疏自
爲疏兩者原不相掩御史劾官言責也部院察吏
官守也兩者又原無牽制明時卽甚不肖乎其所
論劾者

陛下不公不法之官也不揚卽甚賢乎其所察者亦

戶部

陛下不公不法之官也藉令所論非王圖丕揚不首
錄其疏以備察典耶部院大臣處明時以考察或
貪酷或不謹諸例而以明時論劾之人付諸公議
不謀於室而謀於堂不斷於心而斷於法明時其
何曉曉之有乃徑舉其所疏者置之高閣而獨推
之察典之外坐以要挾之名單疏特請以激
聖怒曰臣不敢處此人也嗟乎是何言歟我朝法

紀森嚴 震驚

天威咫尺何地可以要挾何事得以要挾查要挾二

字實出徐縉芳抵辯疏中語意刺謬何遂信作定
案卽湯兆京代爲註脚亦不過曰有處鄉曲之嫌
言官之慮耳嗟乎內舉不避何鄉曲之足礙每察
則省臣幾員臺臣幾員何言官之足慮必其自視
爲可要挾之人然後疑人爲要挾之事不揚自恃
生平侃侃豈肯降志臆度至此而王圖私人日夜
構謀欲致明時於必死之地又見丕揚剛腸疾惡
果敢使氣故就計簸弄令其激瀆宸嚴耳其何
大事而心神倉惶手足忙亂若此

祖宗成法二百四十年於茲爲名吏部名都御史者

非一誰敢比舊例誰敢擅開端藉令此疏終閣不下使朝有不考察之官中外有部院不敢考察御史之誚其何以處之不知王圖私客何以知此疏之斷然必下而毅然爲不揚畫其奇策也國家崇重言路正欲導人使言豈得故意裝誣坑陷挫折是殺諫臣者不在

天子不在宰相而在吏部矣臺諫風聞論事豈問何時冬月諮訪便爲言者爲避察倘有事關

社稷倉卒變亂大難將起御史欲待察典旣畢然後具疏耶何冢宰無鄉曲何鄉曲無小人謂礙冢宰

懷嫌不信則將來冢宰察事竟爲里閭庇小人之
地耶御史官七品耳明時罪不謹耳四品以下獨
遺一人煩

聖天子自起察吏責任謂何豈人臣職勞任怨之義
倡立新法破亂舊章使後來有畏事言官必且借
例爲名朦朧隱蔽誰肯盡言又使將來權姦害人
者或假此爲嘗試之術有貪官內納奧援者反就
此爲躲閃之路黃髮大老悞爲此舉動不無稍遜
古名臣圖害之也要挾不妥改擬喧嘩嗟乎 輦
轂之下貪吏橫行羣小煽亂彈之不動安若泰山

而獨於明時欲要挾則要挾欲誼譁則誼譁臣子
稍有良心何忍使廟堂號令爲刻木牽網之形
深宮秘禁爲揆糞合券之地是圖之私人不獨玩弄
冢宰且敢於玩弄朝廷罪可勝誅耶至於干犯
科罪猶可駭異

太祖貽子孫以天下惟此大明律爲國所與立
此而不足信誰復可信偏諱不坐罪票旨者寧獨
不知乎蓋臣於是而嘆張釋之之難遇也事下刑
部刑部與天下共守者非律乎何難執奏而覲恐
擬招讀其辭若以爲迫於至尊不得不然者夫

人臣守法乃所以成人主之尊逢君罪大豈得
恐爲恭敬之實無論過則歸君於臣子之真心不
安試觀

皇上三十年以來何曾罪一言官何曾任意輕重一
事今昧心逆理之爲實出王圖幕賓合算巧安更
謂人不知而曰出自上意豈不重誣

皇上枉虧至德卽秦聚奎之上疏也聞者方嘆其能
冒萬壘秦關存一綫公論不知其何所德於被察
者而爲之反噬昔秦穆公悔過思有容而惡媚嫉
圖方欲爲西北正人豈不三思藉令爲圖者能虛

心認過引咎責躬竭誠以勸丕揚優容聚奎庶幾
人心忿忿之氣猶或少平乃更遠懷其瑕類苦索
其痕癢加以阻撓朝上疏而夕譴官圖之毒亦甚
矣聚奎勢力孰與秦人從何處阻撓夜氣清明豈
煩忖度止緣王圖生來未有相度耳汲黯面折公
孫弘而弘輒稱黯之忠唐介庭劾文彥博而彥博
獨荐唐介之賢大臣之體固宜如此也豈有徒恣
虺蝎之性益奮虎狼之威以食人爲嬉不顧天下
之公議哉

皇上察典彼旣竊以報怨而擠及善類盡驅生平所

忌之士

皇上詔令彼既借以示威首處仗義者冀盡箝天下不平之願

皇上起冢宰於田間孰不謂五年之糾結亂繩待此察而解五年來之薰蕕玉石待此察而分何意倒翻世界轉成昏黑嗟乎豈丕揚之初心哉偏聽成姦獨任成亂自古爲戒國人皆曰賢國人皆曰不可然後察之卽謬疑國人爲疎鄉人爲親亦有善者好之不善者惡之之聖訓在究心理學如丕揚何以不能辯此其竟爲圖誤而牽罔深入爭之不

能得者豈非以假書之故乎然假書非難辯者其
言欲去福清是明激福清也欲去冢宰是明激冢
宰也其言欲去倉場耀州是明激倉場耀州也而
必各有所先以秦攻秦斬斷秦脉首尾相聯休戚
同體若不得不纓冠亟救者此其義昭然可繹若
以理斷之四海九州各出其赤心以事

皇上誰獨忌秦天下不能禁秦秦亦不能禁天下彼
其脉連於何處而誰能爲之斷 天子而下宰相
冢宰至尊也進退由於

皇上方握黜陟人之權誰復踰出其上而斷之者不

係人言實乃鬼語耳爲圖者見謂匿名投諸水火
固足以示膚受譖潤不行之明不爲則有投此書
者卽有造此書者跟尋追求姦僞立得何乃其計
未成闕然大闢其計已就寂然無聲書於何生而
竟於何滅耶圖之自疏曰臣聞此書患在剝膚頗
切驚懼夫圖之爵位自在也宣麻直須時耳擠之
者誰而據爲驚懼耶一假書可驚懼王圖安望其
他日負任天下之重耶冢宰雖無私秦之心實
以外轉王紹徽以浮躁輕處王元翰成就私秦人
之局圖之黨方謂必如此然後強秦之形彰仰關

之路絕姦人高枕肆志而天下見附秦者留非秦者逐急功名之士爭連衡事秦重熙累洽之朝頗成七雄紛爭之狀何怪乎丁元荐輩寧爲上書李斯不爲幽海之魯連也假書之功顧不稱大哉然冢宰亦非信假書也信假道學也今世所稱道學者非東林耶李三才去東林若喪鳧鳧以擁戴三才者緊戴王圖以東林趨附挑激影响之言轉激冢宰而四明謀再相欲亂天下之說與欲去福清冢宰之說適相符契冢宰好賢方以東林之言爲著蔡素惡沈一貫之誤國方以逐一貫餘黨

爲上策不知一貫待死之人耳業已爲天下共棄
吏部可列名乎相臣可推轂乎彼能飛天而至耶
縱至愚人亦知遠避胡忍造作妖書裝成大局以
風馬牛不相及之人命曰沈黨推入秦坑便遭鬼
杵斷獄者亦必先訊正犯後及餘人未識顏面無
關夢寐而已一網打盡矣望門搜捕而猶未已大
禍難解寧不至空人之國耶附和者心無真憂而
效人愁嘆不知醜婦效顰乃以顰益醜耳主持者
心無真見而浪言調停不知稚子舞影正爲影所
舞耳事實有無核之便見莫須有何以服天下豈

不與假書總之爲訛言耶臣初入仕時輒聞東林
道學取重當世今據耳目見聞迥不相同何也人
臣出處雖無二心朝野自有定分古者聚徒講學
恐爲人知今旣處山林南征北輟東撞西激握考
察之權而外自誇詡威制地方官此豈自好者所
爲耶去冬今春尺牘遍於金陵特部院矢公其
說不行而不虞其道之大行於北也儀秦公孫衍
邪耶正耶藉令果潛心於正學則何不出就一官
盡一官之職亦足報效

朝廷不卽枕石漱流歌詩詠諷著書立言亦足垂不

朽何所見而立於不進不退之間希以虛聲取大
位且甘爲如鬼如蜮之狀敢以訛言亂大猷動輒
指人爲鄉愿不知躬自爲邪慝矣卽如丕揚一中
其毒根本旣差節目俱亂於

祖制則乖於法律則悖於公道人心則不合眞所謂
誠淫邪遁生心而害政事者昔黎丘有奇鬼焉善
爲人子之狀黎丘老人惑於其似子者而反殺其
眞子臣竊謂丕揚眞大可哀也圖大可恨也伏望
陛下鑒圖之品行如是作用如是學不及安石子過
於王雱林甫杞檜合爲一人假令其一日柄國肯

在嚴嵩張居正之後哉必且知有鄉曲不知有天
下姻婭旣多隣里洽比務多藏侈車馬肥私囊矣
必且耄耄元老玩弄掌中協恭之臣操戈反逐而
哲人云亾矣必且戮諫士尸善人興漢獄鐫宋碑
而借外兵靖內難者至矣必且擅出新意謂
祖宗不足法不肖有司苞苴盛行法令滋彰民窮盜
起而望夷之禍成矣如此臣者不斥何待
陛下不明正其罪而以胡忻等保貪陷良者
勅部院分別議處爲孫丕揚雪冤

聖恩不旣渥乎抑此一大快也 國是未明天下疑

懼貽害非小請乞以臣之疏

勅下南北九列虛心推勘要見義爲臣子敢私意張
南箕之舌謀挾

天子以令小臣挾重典以要嚴旨比之御史發姦
者孰是要挾當察典戒嚴之時故犯明禁以廁
名京堂結奴僕爲密友用賄偷單換單以呈身御
史乘暮夜入私門代人投案填案比之止犯偏諱
者孰是干犯潛一丘一壑之中飛殺人媚人之劔
能使孽耳填塞倦目迷冥如察典原議留彼坐名
以去之察典原議去彼坐名以留之比引諸人直

言之例捨死報國者孰是阻撓公非公是自不容
混孰邪孰正自不容逃母令姦回倖進母令正直
含冤

勅自今以後六曹諸司行事止謹循

祖制不得率意單疏摘參考察論人止問其本等職
業修舉何如莫採虛聲有黨無黨刑獄問斷止依
大明律疑難卽奏不許曲意阿承天下孰不服

神斷之布昭 皇威之整肅 肅皇帝大禮大獄此

其可繼美乎方今旱魃火災爲祟天鳴地震日赤
無光奇妖事現寥寥二三大臣極力撐持正以一

當百之時也更願諸臣各殫乃心維持將顛之憂
聯爲一心共救欲覆之舟詩曰凡百君子各敬爾
身胡不相畏不畏於天而

皇上其亦亟亟改圖後嗟何及哉伏望

皇上留神省覽便爲舉行臣不勝惶悚待

命之至

辛亥六月初三日

南京山東道御史曾陳易爲邪關一言可破謹直
陳窾係以佐

聖斷以息羣聒事臣聞道路險隘之處有關焉厚築
垣墻呼號黨類以慮患也權姦之結交以希寵而
固位也亦猶是矣今之吏部侍郎王圖者非羣小
一大關頭哉蓋體國奉公之冢宰亦誤入其關
而不自覺也何也臺臣金明時當京察戒嚴之日
一本劾王圖諸穢狀一時佐計之臣言于冢宰謂
明時有要挾逃計之情似矣而王圖之應劾與否
則未有一人言之者夫使王圖而不當劾也明時

且負妄言之罪何必要挾使王圖而當劾也雖明時有所爲而爲善不猶愈于無所思而爲惡者乎然今觀王圖之懷儉心縱貪子庇匪人報私怨速大拜而忌同官也其非不當劾而劾也明甚明時論王圖捏造私書以激怒太宰太宰對同鄉科臣王紹徽言書誠有之而竟不言授書之人吁嗟被察諸臣之訪單太宰且封進

御前以示公而此書獨有難于一言以是知太宰老成鎮定所全者多亦以是知僞書出王圖之手也明甚故自論王圖而謂明時與察典宜處之人也

不可因處金明時而謂王圖非回邪應劭之人也
尤不可今明時之不謹去且以偏諱坐罪矣甚
則秦聚奎之疏亦以代辯落職矣何明時劾王圖
之疏竟爾不下而王圖復時微溫旨慰留也是
王圖之借輿援以弄威福也明甚語曰百足之蟲
雖死不休未聞蟲足亦不一傷者今王圖一夫當
關入幕願指之輩皆得保其首領則王圖之欺蔽
太宰力護其私人也明甚去相沈一貫大負

國恩楚事妖書之毒終有時而發一貫神竄若喪寢
食不忘誠然事勢至此計復何之書之史冊有遺

臭焉自非其父兄子弟方且聞名遠避之不暇誰肯冒不韙以吹死灰乃言者謾云餘黨線索暗刺明譏羅織必欲拉圖之同官以去莫須有二字何以服天下哉至于被察例推二三臣輿論至今未平然當日部院已費商確于先而無柰王圖之中毒深也亦總付之公論而已

皇上聰明神聖洞知太宰公忠直介慨然下察疏以勉留太宰亦公爾忘私翻然入部而視事君臣相得別是一場都俞吁咈景象臣可安于無言第見長安紛紛聚訟不辯是非或持兩可調停之議

終非清明世界故據事直指而破邪關以一言如此伏乞

聖明採擇

勅下部院與衆裁決庶幾公憤少舒而國是不至漸滅盡也

辛亥六月初三日

太子太保吏部尚書孫丕揚爲科部救人自相矛盾乞

賜明察以定 大典事臣三月二日奉

命考察京僚先初一日會議去取卽有傳到金明時要挾考察之帖當已叅奏矣是衆人之所公見者也越數日秦聚奎又有七臣之救臣已抄單上

覽蒙

旨發落公論帖然不謂南科給事中高節又救三人復有疏也其三人者卽前聚奎所救七人中之三人也中間意向又自寬臣而大有怨于王國者將

謂臣偏于鄉曲而信圖者夫臣掌察典遇惡以報國恩何人不訪何事不查而獨問圖哉見亦小矣此不悅圖與臣者坐此以害兩臣而欲自起干戈于蕭牆也果如節言圖何日而臣何事告臣臣聽言而處者又的名何人則科道諸部臣聽言處者又何人使也此其術亦甚巧矣臣既加意鄉曲給事中王紹徽臣又何以不救也卽議論有不同者聚奎指爲七人而高節却指三人旣是虧枉救者同心何高節道此四人而不救乎豈聚奎高節都是君子而又擇而救之耶使臣亦如二臣之去

取則終年不成一考察矣紊亂朝政莫甚于此
不敢不爲朝廷正此紀綱以聽羣小之亂言卽
論察政初舉方纔會議金明時卽傳要挾之名是
以臣畏要挾而不考乎聽要挾而怒惡乎諸臣共
見卽日疏聞高節謂突爾特叅誰欺節乎劉國縉
之賍有言其萬者有言其千者其酷迹有言其打
死武弁者有言其枷死四賣蟹者論其强奪之跡
有言其奪死翰林數千業者有言其受罪總兵萬
金謝者考以浮躁尚惜才力而高節尚爲稱冤乎
夫聚奎高節旣自同心救人何聚奎救至七人而

高節救止三人耶豈所不救四人高節亦有不當
于心與而況臣會滿

朝之公論而折衷之宜乎不當于秦高二臣也向非
日月照臨 毅然主持何以定通 國之公議乎
總之臣老年混淆病狀昏暈故無以孚衆心而情
衆口如此伏乞

皇上速察政源 俯順衆志卽日放臣令得首丘庶
銓政澄清衆正濟蹙矣臣無任祈

天仰候之至

辛亥六月初五日

太子太保吏部尚書孫丕揚爲南疏三至奪爵允
宜萬懇

天恩卽日放行事臣蒙

聖恩用臣于八十歲時此

祖宗朝未有之殊恩也臣血氣雖衰感 恩支持謂

有利于 社稷臣何愛于髮膚今年三月考察臣

衰老不當

聖托蓋嘗預詢博訪以盡此心矣不謂初會議也功
司郎中公傳要挾之帖既考完也刑部主事有七
人之救恭奉

明旨酌例處分臣尤以爲少年露才大都可惜既有
南科高節有疏臣尚視爲救人當日又見南道王
萬祚有疏曾陳易有疏多少事端而皆巧責之臣
此臣誠不孚人動多忤衆故陪京風聞多不相諒
如此是尚有面目一日立于統均之位哉查得擅
離職者沈應文等 明罰有差然皆未遭人言臣
搆此多口抱愧而行罪更有大于三臣者伏乞
皇上奪爵公歸卽指便出城勿爲清議之玷以快造
言之心臣不勝仰感

天恩之至

辛亥六月初六日

刑科給事中彭惟城爲純臣義不諱過公論抑而
愈伸謹虛心評衡以定 國是事臣聞君子之過
也如日月之食焉過也人皆見之及其更也人皆
仰之今太子太保吏部尚書孫丕揚

三朝元老一腔忠貞孔子所謂君子哉若人其誰敢
有後言乃今歲考察京察冢宰秉持公正其赤心
也率由舊章其大體也然而考察先一日見出示
御史金明時不許過堂疑其將來要挾特請

皇上處分比至考察旣竣杳無要挾踪跡第以先年
叅翰長王圖之疏以實其事而王紹徽等七八或

外推或降黜矣已而秦聚奎有捨死報國之疏
子規啼血東風不回明時三被嚴旨七臣察外
摘叅聚奎接踵罷斥人心痛憤公論沸騰謂聚奎
代辯何不代當權者之爲利而顧代被察者之爲
害聚奎反噬何不噬被察者之爲易而顧噬當權
者之爲難乃更目之曰阻撓不爲遁詞之窮乎謂
明時要挾何既坐之于察後又漫坐之于察前謂
明時誼譁何既有言于察前又寂無言于察後乃
更目之曰觸犯不爲法外之刑乎七臣察單職多
未見迨後傳聞頗亦可駭有云遍于大臣而功司

有云邇于功司而臺省無有者此其出聖
之巧誰得而測之以冢宰赤心論生平忤權
人今何處忤權之人乎以吏部大體論百僚並
宜矣今何乃創另察之法乎昨歲遷斥固然將
貴等堂堂正正壓服天下乃今質之察事如出兩
手過耶非過耶是豈真冢宰之本意哉微獨聚奎
等二臣也紹徽等七人也如呂邦耀金忠士文立
縉三臣之外轉也披其枝者傷其心大臣用意忠
厚不欲分過于人亦豈冢宰之本意哉王圖職初
意其負西北之望不望其有今日冢宰誠未接王

圖之言而王圖能巧中冓宰之聽以耳附耳因聲傳聲包藏邪謀口口公道遂使虛者忘其詐怛者忘其儉于是王圖乃得以報怨之心行于察典以劓子手加于賢良回視已已之役當年權姦僅庇一小人者顯行于鷹隼高墉之日而今之害及衆君子者密行乎復戒于莽之內何謂君子如松柏之孤生勁特無所因倚是也何謂小人如蘿藦之弱不能立必附他木是也冢宰當局時偶爲人誤宜未之察今旣水落石出章章公論冢宰必恍然大悟矣職可以無言矣適見冢宰有科部救人自

相矛盾一疏以爲抄單奉

旨公論帖然而不知公論正聾未有人以實告冢宰者也以爲南科臣高節之疏大有怨乎王圖不悅圖與冢宰者坐此以害兩臣而不知兩臣臧否自有本末節居諫垣何怨于圖且冢宰何如人而節能害之以爲能害則冢宰固自不愜于祭事矣又以爲聚奎疏內所救七臣而節獨救三臣爲矛盾也君子程量天下是非無兩立之理三人是則七人可推矣何必執泥言者之辭耶謹按大明會典凡考察有誣枉者有不公者許科道官指實劾

奏又一條果有執法被誣奪職許大臣言官即時

上訪可否具奏定奪今歲察典除建言

外先後臺省諸臣遵依會典劾奏

如朱一桂徐兆魁周永春鄭繼芳姚宗文等明目
張胆不一而足則滿朝之公論不平業已情見

乎辭而冢宰止云不當于秦高二臣也將無有從

旁壅塞而一味激其忿怒者卽臣草疏畢又見冢

宰南疏三至奪爵允宜之章則前曾陳易王萬祚

二疏南寓目矣然先臣王真王翺馬文升俱以八

十餘齡秉銓今冢宰名德相亞精神嬰鑠正不在

一去以成其高而在改絃易轍以成其大若細察
姦人驅除異已之心至今未歇顛倒豪傑之計至
今爲難而妙爲幹旋天下誰不悅之冢宰知識信
職國士相遇職何忍其晚節爲人所誤故直臚列
諸臣忠憤與冢宰洞破向來邪謀盡行湔洗也唐
太宗時御史大夫杜淹謂諸司文案恐有稽失令
御史就諸司檢察上以問封德彝德彝曰所司若
有愆違御史自應糾劾若偏歷諸司指摘過失大
爲煩碎太宗以問淹淹曰天下之務當務至公德
彝之言真得大體職誠心服不敢飾非而朱儒張

九成曰杜淹此語實國家之福彼護短爭勝不問道理當否此事所以不濟也試觀杜淹才品風猷萬萬不如冢宰然尚能反已受過畧無凝滯豈以冢宰廓然大公而改過不吝顧肯遜于杜淹耶職願冢宰盡捐成心折衷輿論靜觀爾時門戶角立議論分馳孰非浮氣所使總于國事何關如南道御史張養正昨歲八月內有諸臣千言不足淮撫一去有餘之疏乃今歲五月內又有世局愈變國紀將傾之疏前後反覆閃幻莫測見淮則破淮見人向秦則向秦至以死灰不燃山明聯

之萬不相涉之崑宣傳之長安大爲笑柄聞在南
都無不掩口此等小人之言大臣可輕聽否卽所
稱道學言人人殊亦豈可不擇聽哉職之鄉道學
之宗也職雖闇淺聞教于大君子舊矣請得以道
學質之昔夫子見南子子路不悅佛肝召子欲往
子路不悅公山弗擾以費畔召子欲往子路不悅
至論正名則直以孔子爲迂師弟之間畧無依阿
孔子不罪而稱之曰升堂又稱之曰自吾有由惡
言不入于耳子路死爲之覆醢孔子絕畛域異同
異化誹譽歆然不自聖故成其爲至公也然則道

學門中何嘗專事雷同規正道學何嘗得罪名教
乃至以王三善陳儒又欲察外連坐吁亦酷矣恐
亦非顧憲成之本意也先儒蔡清曰處今世亦自
有許多當避嫌處不可便以 聖賢自擬昔宋人
謠曰真德秀真小人魏了翁僞君子此史彌遠輩
手撰流布以譏貶道學也然真德秀之非真小人
固也乃今之真小人者見人目之爲真小人則曰
真德秀曾被此名矣真德秀可援以自益乎魏了
翁之非僞君子固也乃今之僞君子者見人目之
爲僞君子則曰魏了翁曾當此號矣魏了翁可借

以自文乎楊雄曰有人焉自姓孔而字仲尼入其
門升其堂伏其几襲其裳則可謂仲尼乎曰其文
是也其質非也羊質而虎皮見羊而說見豺而戾
忘其皮之虎也職故謂雖道學家言不可不擇聽
也職觀今日域中大勢否泰安危全係于冢宰之
一身化同爲和息競爲恬全係于冢宰之一轉職
是以披瀝孤忠入告

聖慈仰祈 主持國是 特賜溫諭老臣如南北臺
省諸疏不難翻然以山澤受之不復爲莠言搖惑
仍照 會典吏部查訪可否之例虛心改正具奏

上贊 平明之治下收賢良之心萬方拭目在此
一舉冢宰始終爲

社稷臣皎然與日月爭光矣

辛亥六月杪八日

河南道掌道事御史湯北京爲察典已結竟疏未
杜謹發隱謀以廣南中聞見兼懇

勅廷議以定 國是事臣接邸報見南京給事中高
節御史曾陳易王萬祚各疏論察事而萬祚一疏
則俱金明時事也中間或多寬臣等而專責備太
宰孫丕揚然其所論事則臣與聞之事察事若不
當則臣豈應獨迓其罪三臣局外之人也其論人
或以大槩其論事或以風聞故妍媸易定雌黃易
分而臣等局內之人也責任在身評議在後實有
多方諮訪極力推敲而不敢漫隨人之口吻止避

已之嫌怨以一事槩人之生平以分門掩人之瑕類矣三臣豈得而盡知也若乃王圖之當去則臣等已言之不待三臣也王淑朴之不該留則非內計事也金明時不參于外計巡關察吏之時而參于內計戒嚴聽察之候明乎其有挾而逃科道諸臣不指實劾奏于去年外察之後而劾奏于今歲內察之時又爲明時所牢籠矣雖然三臣之論自明也曰明時共據一敗曰謂明時非察典宜處之人不可曰明時自爲明時明時卽甚不肖亦旣臚列矣明知宜處又欲調停則必聽其要挾而後可

耳明知禍阱不聽其同門爲之調停其間致生意外之事則臣之愚耳竊耳前疏謂有畏察有畏撻臣若照顧一邊自當調停兩解是也許聞造之後更有明時此徑已熟恨年來紀綱法度不如前耳狂瀾不遏臣懼後次京察尤而效之者又不止一輩也代辨之例載在

令甲若必謂秦聚奎不宜處則須

題改前例方可善哉乎老成人不可不惜二三大臣各殫乃心維顛救覆翻然入部堂另是一場景象之語也庸知就中脉絡政有不然者太宰孫丕揚

不去則少宰蕭雲舉不得署篆雲舉不署篆則議
論不得息雲舉之事且未暇具論卽察疏已在
御前尚以未拆封再四迫考功抽換以營救一投稅
監害閭里被訪之貲郎鄧士昌考功見有揭稱止
可辨千金事而已等語茲事能爲何事不能爲況
日久論明其他邪穢更多鑿鑿難謂莫須有沈一
貫悞國待斃誠不能飛身而至李廷機不徑不
實獨不可覲顏而出耶南中所據者邸報耳此等
機括亦有以聞之者乎沈黨餘人一網打盡望門
一搜捕尚猶未已大禍難解天下疑懼萬祚之語一

何有戒心與流言挑激自宜爲浙纓冠而起蓋臣
去年入都門時卽聞浙宦有今歲考察處盡浙人
之語矣臣是以有局人于一地收人于一議之條
議也 國典至重輿論難掩豈有不論人本等職
業生平行實而徒採聲問黨之理乎可謂明時之
議處爲浙人之故乎讒人罔極交乳四國亦可以
深長思矣臣疏成將上復見刑科給事中彭惟成
一疏又將三人而推類以及七人謂此七人之單
吏部臺省有無參差部科不論以臣衙門論之七
人之單則或得于公送或得于另送或卽此七人

之中面言某人應處某事是實七單見在各處其
言猶在職耳可以質也王圖已經出都門被叅自
無復入之理卽雲舉之告亦屢矣伏乞

皇上速允二臣之去仍

勅九卿科道將七人之單從公評議中間事跡有主
名者一一勘實另

賜處分庶 國事可定羣囂可息臣無任悚息俟
命之至

辛亥六月初九日

浙江巡按監察御史張惟任揭爲清修執友橫被
浮言聊述素行以證誣巇事職於五月十一日接
得邸報見禮部主事丁元荐疏中波及給事中今
轉叅議王紹徽者有曰利周孔教六十金之餽主
考之舟可夜泊乎其餽遺有無名稱其遇夜應否
泊舟皆不可知而利所餽六十金則不可不辯職
與紹徽三十年交矣同案同會而同筆硯知之頗
真大都紹徽狃介人也賦性耿直宅心慈諒論是
非不肯詭隨尤嚴取與與衆寡合其素所期許也
有國士之風自爲春元時讀書省南牛頭寺職與

之借渠有親以事干其囑託言三十金爲謝紹微
怫然面赤拒之甚堅懿親不懌而去筮仕鄒平諸
循績不及睹第聞其以錢糧羨餘作綿襖數百件
以待民之凍者而給之卽胞弟室弟虛往虛歸快
快怨望淡如也典試閩中比其反也身病僕歿而
又值伯兄之變支離床褥間衣冠垢敝有相知憐
之製衣一襲使者再往竟不受旣抵都門政當
大計之時職見其壁粘一帖不肖不敢循常交際
諸公幸原故凡同年同鄉及游宦于秦者一切謝
絕門可設羅長班舐望怒每形于色卽此數事可

槃生平少長窮達未嘗變塞其受六十金與否似可不辭而昭也至云借先達以爲贊窺寶玩而咋舌職不曉其從何來職惟知溫王兩世通家一齋與封君友善而又雅重渠昆玉道義相勗無論必不爾爲卽借交爲贊意欲何爲乎書齋職所到也廳後有中廳三間封君與會試乃兄侄居之中廳後爲住宅耳中廳所有書籍十餘箱也所寶玩珠墨琴棋時畫也此外則白觀音一尊香一爐數珠一串而已有何可駭見者而致令咋舌焉蓋紹徽飾行好修逡巡矩矱人方嘲其特迂特拘彼尤嫉

夫不繁不靜而一旦以利金坐之不亦誣乎職又聞元稹亦賢者也必不無故而加人不美之名或者其風聽臆言于市而未暇察其素履耳職不得不爲執友一暴白之謹揭

辛亥六月初九日

日講官吏部右侍郎王圖爲人言叢至臣罪萬端
乞

恩速斥以快讐口事臣屏居部外病苦求歸

聖恩如天未肯據放忽見南京科道高節王萬祚曾
陳易同日攻臣極意羅織天日在上良心在人總
聽公評不敢 竇辨惟是吏部尚書孫丕揚歷事
三朝海內仰其公正豈其晰于是非邪正之較而借
聽于臣今乃以陷臣逐臣之故使老臣亦受其悔
辱此則傾危之甚令人魂驚而不能一息寧者也
諸臣百計逐臣一一謝教俾以臣連章求去爲臣

罪不知出何家法亦大奇矣總之臣病當去臣罪當去揣分亦當去

皇上只一放臣則讐者之心快而臣求去之心亦快皇上何不亟允臣歸而使讐臣者與臣兩得其便也千哀萬懇惟求一去伏惟

聖明憐察臣疏無任祈禱迫切待

命之至

辛亥六月初十日

西道御史喬允升爲察典紛囂未已謹與諸臣
平心而論以祈

聖鑒事昔人有言天下事非一家私事願平氣以聽
之是以言官論事貴先大體君子責人當本人情
京察一事明例森嚴未察禁攪亂方察禁遮飾
凡以重國典而肅人心也縱有虧枉靜聽公論
祖宗二百餘年何嘗阻人後路亦何嘗乘

明旨未下遽起橫議有之自秦聚奎始使南臺言諸
臣設身處地言乎默乎默則失糾劾之職言則蹈
黨與之嫌二者宜何從焉況諸臣已謂其出位言

事中欠分曉矣則聚奎宜叅也夫凡黨與人擁戴人者必其權勢嚇張手握禍福以故小人翕然逢之王圖已視金明時叅破卽臣等亦謂其疎躁人亦以孤雛腐鼠視之矣或者以其將來大拜之故不知枚卜之舉經幾番採訪幾番推敲合滿朝之公論卽有人雌黃尚難得此談何容易縱使得相尙爾擊排豈異人任媚之何爲況京察非媚人之事臣等非媚人之人王圖自是王圖察典自是察典杳不相干乃以擁戴箝制人口非其情矣然使肅雲舉不臨事舉動周章縱有別贓犯科之事

臣亦何嘗深求然不意乘王圖敗局之日正蕭雲
舉揚揚得志之時呼朋引類送煖偷寒金明時劉
國縉既倚雲舉爲神叢迫之救援雲舉引金劉爲
牙爪屈膝臨事指天誓日備諸醜態太宰雖老成
不言合司官與當該吏掩口共笑傳聞長安至命
士昌被察令考功司至

御前取出更換此王宗賢所親對人言而辨本乃曰
向來無士昌名及王考功辨揭云別事爲堂官受
過乃案本底簿俱註明士昌何敢陡然移替雲舉
乃曰一時忘了此何等事而云忘乎卽此二事其

欺

君說謊瞞心昧已已如此其餘強辨飾非俱不足憑
夫雲舉既外迫于金劉二人之控挾又屢屈于太
宰之堅持忿恨不平倡言于外遂與其黨怒湧出
秦聚奎之事語云百聞不如一見使南中諸臣見
此舉動亦必唾其面而誅其心夫已叅之王圖尚
謂擁戴方張之雲舉乃羣然黨救卽桃李不言恐
亦有解笑時矣今之論者動輒曰沈一貫已如死
灰豈能飛身而至不知王安石不旣斥乎而章惇
蔡京何以再釀靖康之禍王之禎虎顧鵠張子內

而匿身荒廟與潛伏 國門者盤據違會于外蕭
雲舉又接其未斷之脉不逼閣臣葉向高三請出
廟乎倘臣言而驗又何以辭于餘黨之名乎今諸臣
同心體 國者也不爲 國家計深遠而止爲一
二人赴私交倘羣邪引進別立乾坤共危宗社其
何以自解乎幸勿聽人挑也大抵沈黨豈盡皆浙
人浙人豈無賢者正不該以一隅限人品以一事
槩生平也百年身命有限天下萬世公論難泯邪
正關頭要辨不當爲一二人強坐主察之罪 國
家紀綱當正不當以積微之元氣戕傷太盡願效

忠告與諸臣平心而論乞域外大觀勿與俗同也
臣中土孤跡不知黨與在察言察不知掩激知我
罪我惟其所命臣草疏畢又見科臣彭惟成有重
考七人之言

祖宗憲章決裂殆盡後來考察誰任此典老成人亦
復有此言誠可慨惜伏願

皇上亟放王圖蕭雲舉之去庶得葛藟早斷不然黨
錮之禍卽在目前臣不勝真切待 命之至

辛亥六月初十日

署刑部事工部右侍郎劉元霖奉南京都察院書
覩即報南臺王道長疏論察事內及金道長上疏
犯

御名事下刑部不一執奏其持議甚正不佞敢不虛
心受視第當日所以不執奏之故中間委曲或有
未諒者此事兩奉

嚴旨下部院叅究擬罪不佞初甚難之御史院僚屬
敢專冒再會 協院訂議謂金道長慮如宛平父
羈願認罪以行因念執奏聞救褫革反貽繫留不
如曲從以成去志議遂屬司擬書會酌具

題議罪不以偏諱坐而失錯坐因事從權於律文非
有添減原疏見在可闕也事之顛末原只如此部
院公議有何阿承雖然不佞則亦有不得辭其責
者矣而失以 奏議罪言官端不可開以革職復
加罪跡徒知道長之意當體未思原叅之嫌當避
所令者小而所失者大若阿承之一字萬不敢承
初欲疏白已思事係屬

諱且語有不宜

上聞者得無愼慮故敢于散布之區區惟

高明垂察

辛亥六月初十日

禮部主客司主事丁元薦爲國是愈勞邪謀轉
熾敬陳是非之實以祈

聖斷事臣前月見浮議紛迭共撓察典義激公憤直
言亡諱而給事朱一桂周永春御史徐兆魁兢起
攻臣臣一切不辨蓋巧附者必不觸臺省之怒來
關弓之疑必不托將去之太宰彈射之詞臣臣疏
與史記事蹊徑各別不待智者而知卽妄加附秦
之名臣不受也亡何南臺省高節王萬祚等與刑
科給事中彭惟成疏踵至矣一則詆臣顛倒是非
一則申秦聚奎之說爲被察諸臣翻局而未並譏

刺講學以撼東林夫考察 朝廷大典也是非天下公論也所係不在臣一身在世道臣請有以折之而

陛下試垂聽焉一曰剖真心方秦聚奎爲七人不平其氣甚銳嗣後救者煩興忽滅而四而三至姚宗文則王紹徽一人止矣此其黨自具公案也及紹徽所藉不過曰我不附秦爾方其蟻聚梟張之日四款得計之初座師家又陰挑陽擊恣意橫行奸謀敗而秦人不收伏狡焉反噬試思王寶坻之不發于外計而發于內計者何也王圖可假以爲援

因父而庇其子王圖可借以他贄因子而孥其父
肺肝種種託出卽諸臣能代爲解乎二曰核名實
諸臣之啾啾以私單然百單不若侍郎吳道南之
號簿徐鑾之底冊刑部大理銀庫之卷案通國
之口碑可據也賔尹旣以科場爲壟斷又借職方
爲外府國帑逞其勢力更肆鯨吞四總兵之推十
二將官之缺各得數萬金鑾去而飽橐可委曰不
與事乎此猶曰貪爾國帑杖殺大使嚴體緣倩家
百金受鄭姓私囑殺人生母以滅口天理國法
漸滅盡矣應甲與國帑同調亦頓足于田元德之

獄其良心似應未死然叫噪無忌憚敢于污蟻清
流又何忍也罪狀暴著百喙難掩彼譴訛者徒足
張其醜于天下爾三曰重大體 國家之有內外
計猶科貢之有鄉會舉一成不變者也中間豈能
盡慊人意論其大體而止此法也亦勢也庚戌會
試後人言洵洵極矣諸臣共聞共見何不再請會
試歟今有人焉根株科場情弊舉 朝必以此爲
刻爲生事何獨求多乎已定之大計與改正之語
幾說夢矣況惟成知 會典有即便論辨之例
諭旨未下聚奎未處之先亟宜力爲剋白何觀望至

今歟諸臣爲同官同好聲勢相倚非勝心未化卽
門戶難割彼此嚙啗庶幾一逞私情洵厚矣曾爲
國家一顧大體與藩臬非遷謫之官歷階而上前
途未艾猶且疾首相譁彼起廢之臣身未離丘壑
何獨苛求不遺餘力焉四曰平物情夫公論無日
不在天下彼狂逞者始亦自以爲公也勢去事定
而後公論出乃知向者之非欲改圖無繇卒抱恨
千古何者毀譽利害奪之也諸臣試于局外平心
諦觀曰均太宰爾何以忽公清忽老諄均私書爾
何以一爲有一爲無自請太僕者見謂老成白首

岩棲何以躁競。賍私狼藉。駕言妬口。飭躬厲俗。何以傳餐。甘心鷹犬者。蹇諤自標。清修夸節。何以呼賊。呼鬼。靜夜虛中。易地而思之。未有不爽然若失者也。五曰。端學脉。蓋北魁之貶。楊時喬詆吳與弼。朱一桂高節等之譏東林。彼未知學無足怪者。彭惟成自以豫章道學之宗。而認湯劉王喬爲君子。則世間何者爲小人。沈一貫之駢儻。楚宗也。王三善附理官後借。

高帝子孫快權門私憤。卷在法司。一一可按。使其止爲利。猶可言也。不然真奸黨矣。惟成不爲。

九廟發憤敢爲三善解嘲臣又奚暇與之品顧憲成
哉大都銓司而不肖阿宰相此真氣節講學而不
墮閹然媚世之鄉愿此真學術憲成得罪坐此惟
成狀貌恂恂長者臣亦心敬之不意其臧否頗謬
曾亦就正于其鄉之賢者與抑別有衣鉢歟不然
不明邪正而辨真僞世無此理臣所謂端學脉不
爲惟成惜爲豫章諸臣惜也臣秉性簡伉孤立寡
諧少年觸忤權貴四月閑曹旋罹計籍頃者服官
二十餘日狂態勃發矢百折不回之氣當四面受
敵之衝聞賓尹門人有捏私單構臣于其黨者臣

卽得罪歸我十五年適軸初願慊矣多口不足爲
臣動藉名僞學不足爲臣辱區區寸心惟人懷交
亂之憂 國深空虛之歎令天下士大夫而皆以
建言講學輕去 國而不出山爲悞大亂之道也
陛下幸檢發諸臣之疏并臣二疏發下閣部會同九
卿科道公勘持清議以肅官常按
祖制以申大典臣卽高蹈東海以謝諸臣死有餘分
矣又何必嗷嗷競曲直于眉睫哉

辛亥六月十一日

學惠齋稿

江左王夷封著

南計遠近稱允緣董考功於六載前業稔知也頃
下儀部一疏仍拾某輩剩涎其露尾籠頭尤爲識
者溪鄙疏本阿太宰孫而太平未必欣似刺中丞
許而中丞未必憾蓋與敝鄉創子及某讐首指賀
爲死友均與故淮撫互相鈞結者王弘庭與周懷
馨中丞奚涉却輒誣以典試冒禁交通溫總憲久
棄塵寰何仍爲近年藉以充贊比觀朱省鄭臺兩
疏決出肺腸朱疏歷述彼所推爲君子諸人恐尚
未爲定案丁儀部與敝郡一二富室比周矢欲爲

某某輩効力千言萬語總緣刺王考功而怯公議
未逞恣計起沈司馬而憚太宰仍囁嚅某已謝職
似可與時議相忌顧竊附孔孟春秋好辨後塵每
願與同志仰贊其救東林提獎得失應聽海內公
評矣

大學士葉向高揭帖昨蒙

皇上慰留尚書孫丕揚又文書房官連日傳示

聖諭謂俯從臣擬實宥言官仰見

聖德之大 聖度之宏卽付文書房口奏臣與丕揚
皆感戴

聖恩不獨言官矣惟是考察一事紛紜未了彼此爭
競多爲蕭雲舉王圖二臣王圖旣已出城志在決
去而蕭雲舉亦以母病思歸情緒迫切皆日遣人
懇臣轉 聞祈求早放臣于王圖已屢爲之請而
聖意謂二臣皆係 講官屢 傳慰留臣敢不仰體

但度今日人情事勢二臣不去則議論必不得休
皇上終不得二臣之用徒爲 朝端開此訟場殊不
便也如

聖意不欲因人言而去 講臣則臣觀二臣同官素
稱莫逆前後意見原無相左今之求去固自爲毋
病身病之至情非因人言而後發者

皇上亦可以曲體矣頃來人心多疑議論易起卽如
臣 請同官臣廷機之出其本意不過以時事艱
難欲其分憂共患以救目前而已甚明甚確而談
者或以爲是或以爲非或以爲有深意甚至以爲

有人逼臣展轉揣摩言愈奇而愈失情實一至此也臣今爲二臣求去又不知作何擬議惟是二臣之責望于臣者至懇臣不得不爲之言而察之事理亦當 乞其去以成其美或止予假以歸俟論定而後再用庶二臣之私情既達而 朝端之煩言亦可少省矣伏望

聖慈裁斷臣不勝悚息之至

辛亥 月 一日

原任浙江道御史今推陞陝西寧夏糧儲副使喬應甲爲微臣親老病真不能赴任四懇

天恩俯容休致事臣入京將一年告病將一年告休告病至再至三各疏尚在

御前今吏部陞臣陝西寧夏糧儲副使旣已諒臣之素心又未限臣之末路臣敢不勉于就道惟是臣親年老臣身多病稍涉煩勞卽便耳鳴心悸足軟手麻而年未五十頭顱如許卽辭 朝領

勅不能成禮皆衆目共見臣何能欺況寧夏邊方軍情所繫去家鄉旣數千里而遙計親年並七十歲

而上臣身多病旣不能單騎而往迎養非時又何
忍絕裾而行坐是躊躇宦情益冷往常科道官外
轉每有領

勅領憑具疏以繳臣念寧夏道臣不宜久缺又念此
身久病萬無赴任之理故不敢不循例領

勅亦不敢誤邊事而遲于銷繳伏願

皇上察臣積病之軀奔走難效憫臣戀親之念頃刻
難違

特允休致以全子道并留臣餘生以延殘喘卽自茲
而後獲侍一日之親闡臣與臣父母並永徵

聖主高厚生成之賜而銜結之報其何敢忘臣無任
悚息之至

辛亥六月十二日

湖廣巡按史記事爲人言曰異世道可憂仰乞
聖明勅勘以定 國是以正人心事昔仲尼爲天下
同流合汚者衆而慮失真也曰衆惡之必察焉衆
好之必察焉他日告子貢曰不如鄉人之善者好
之其不善者惡之夫善與善契故好之日甚善與
惡異故惡之亦甚此論好善惡惡者先當稽好惡
之人而後可蓋千古不易之論也職巡歷荊州事
畢正卧病偶于邸報中見科臣朱一桂有特反大
亂將作一疏其中或指名或未指名大約舉
皇上所簡信之大老與寰宇所共與之名流而一網

收矣職復觀其意總爲顧天垓沈一貫輩翻案耳
夫好惡旣殊品類各別職或可以無言第一桂主
語全爲反職三十七年十一月大亂將作一疏而
中又有二三不情語職不得一言以相折實非
願與一桂太分析也一桂云職前疏謂王元翰翻
案夫元翰小臣耳鄭繼芳論其貪職論其功曾何
足異惟繼芳纏職不了恨職不已職誠不解然皆
已往事也此與大亂將作疏有何干涉而牽強附
會若此一桂又云惟有京察可以張彌天之網于
是着着安排處處布置自號提督部院察其可作

腹心者使踞要津擇其可作爪牙者使偵四路不然何站定長安湖廣之差恁催不下喪心哉是言也夫曰曰號對誰號之有誰聞之小人捏造之言輒爾對

君一桂能自安否誰踞要津誰偵四路得非謂曹給事不應吏科湯御史不應掌河南道乎夫二臣之應掌與不應掌也 廟堂之上自有定論至于曹公事在省與職前後不相蒙湯御史在吳與職平生不相知奈何以 朝廷之公典舉而歸罪于職其所誣不獨在職矣至職寓京五年家難頻仍急

思得差旋里因久不奉

旨于是議換差而無肯換圖請假而不得假至去年六月十二日一時共下十一差而職始得離都門至云喬御史點破猶屬醉夢恐喬御史終不能昧此心也職猶記職在京時差久不下人云多是貫私人不欲職往楚職不敢應後一貫私入聞之遂反言職不願往楚此言通國皆知何一桂之不情也一桂又云職大亂將作一疏無故入沈思孝以結太宰太宰與職同鄉何俟于結平日剛方其誰敢結而前疏豈無故入思孝哉思孝當年首

糾江陵批鱗廷杖職甚重之慕之惟是職入都門
固候

旨無事錄萬曆以來章奏時一披閱中有思孝乙未
年事約三四十疏故得知思孝之詳至三十七年
七月內長安中傳言顧天竣陰謀于沈一貫等且
連合周孔教沈思孝諸人將大發難端職猶未信
一也至八月終長安中又傳得劉承禧書乃托毘陵
名賢勸嘉禾勿聽天竣之謀者職猶未信也至十
一月南中果發難端而承禧之書已有左驗職是
以有大亂將作之疏其歷數二十年來奸權之黨

與者正謂一時之君子常不能勝一時之小人今
合二十年之黨與以擠一時之君子勢何能勝此
職以爲大亂也職疏後南科臣金士衡言之段然
言之而天堦之陰謀始破則職言豈無故者哉昨
見丁元薦疏云天堦求思孝而思孝不應激思孝
而思孝亦不應果爾是天堦之謀已得其真而思
孝之行未改其舊也職以風聞言事正願思孝無
此共承 宗社之福豈願思孝有此執爲職言之
証哉如以無作有以有作無以非爲是以是爲非
乃近日小人之行徑職實不爲也一桂又云前旣

之附已者卽曰聖賢異已者卽曰仇讐至挑激播弄無所不至說謊欺瞞殊爲可厭如職辨明明時疏見在

御前何曾有王紹徽一字而一桂云職叅王紹徽以秦攻秦卽此一言可例其他矣職去歲在京有人云曹給事曾爲友擠兄願共棄之職不從又有人云顧東林昨一書歸兄願共糾之職不從不從則仇又有指奸爲賢而求職好者又有指賢爲奸而求職叅者又有立會結黨而徼職必往者職皆不從不從則皆仇大都彼中之情形多如此安知有

朝廷之公議哉向非職自持之力其不爲羣邪壞
幾希此其恨職之獨深而射職之獨叢也職想
一桂今日得無曰我衆彼寡則衆爲公不知此正
夫子所謂衆好衆惡之必察者也此之所惡彼之
所好此之所好彼之所惡誰爲善誰爲不善誰當
好誰當不好一桂其早辨之嗟嗟孝子慈孫雖百
世不能爲幽厲改一桂乃欲以實繁有徒爲一貫
天垓等翻案哉其如天下萬世之誅何總由年來
章奏不下故渠輩紛囂無已時耳伏乞

皇上將計察後諸臣各疏

勅下部院從公勘覆揭日月于中天震雷霆于旦夕
將見國是自定人心自一培元氣而蕩妖氛豈
容一日緩哉若職以愚慙得罪于人猶望
皇上蚤賜罷斥職曷任悚仰之至

辛亥六月十四日

棄征之途日闢也廢棄自是廢棄考察自是考察
強取而抑揚其間祇覺瞞心昧理牽合無味耳人
非大聖孰能無過道固有相反而相成者美狄之
滋毒不如藥石之生我也韓琦有宋名臣議不
合爲呂誨等力攻至繳誥待罪而魏公之品望無
損上殿之爭其事公虛舟之見其心公也太宰大
節素孚于天下一事何礙于生平諸臣效忠告以
責大義原非傾危有何忤辱逆耳攔鱗

聖朝不諱而易至神寬驚悸坐言官以不赦之條挑
弄至此亦太毒手矣職中士鄙人學識暗淺誠不

敢與清流較量第聞譚理翌經高潔恬淡是真學
問不聞背公死黨趨炎走險者之以矯修標也聞
發姦指佞慷慨孤忠是真氣節不聞操戈下石殺
人媚人者之以勁節推也元稹自顧不知于數者
何居而謬謂朱一桂高節等不知道學大言不慙
豈遂久假不歸哉彼所借籍人口者不過曰挫抑
道學或可招致同聲以爲援而不知諸臣之所爭
者爲

朝廷辯是非也非爲道學辯門戶也他者不具論五
載黜幽之典 禁例森嚴而紛紛竿牘快其私圖

則臣請得以南疏爲證張養正之疏曰東南之間
公翰大闕一二正人貽書于臣王萬祚之疏曰去
冬今春尺牘遍于金陵夫所謂貽書者尺牘者
皆私書也在南如此在北可知以林居之臣暗姦
至尊之大權而人不敢以一語議其後則他日鋒刃
在握將惟其所欲爲此正元祚輩假借行私恐顧
憲成未必盡知耳近光祿寺寺丞吳炯疏云憲成
不竣門牆來者不拒如黃正賓等玉石混雜理或
有之善哉乎斯言若元祚者在朝則害
朝廷在野則誤東林其真僞石之尤者也昔楚專之

起也錢夢阜駁林秉漢塗面喪心被忠義可加之
旨今察事之紛紛也元荐一部臣瞪目大呼
高標雄幟欲貪人則加之貪欲酷人則加之酷欲
黨人則加之黨兩手握定是非之權一口抹殺南
北之論會典可以不用也臺省可以無設也

朝端之上獨有若輩正人自後進退予奪一惟拱手
而請教而大小臣工但當稱功頌德聽其願使而
後快于心與宋侍御韓縝希呂夷簡意欲以范仲
淹爲朋黨勝之朝堂鄧綰迎合王安石條上時事
稱言得伊周之佐好官在一時笑罵在千古覆轍

不遠回頭何及亦可以深長思矣呂大防以楊畏
敢言密約助已竟超遷爲禮部侍郎及畏首叛大
防而引用章惇呂惠卿率清臣等共成紹聖之禍
夫大防固慙直無黨者也得無悔爲畏所賣與元
荐兩疏爲贊駁駁有欲炙之色此等行徑能欺三
尺童子否君子小人日乂論定理輪請劍代豈乏
人元荐恃一建言直將凌駕一世之上遠者無問
鄭振先不首叅朱廣李廷機乎彼時直聲震天下
末路之差死戴一顧天垓大敗塗地而身名俱失
不可爲殷鑒哉

廟堂方厭言官之浮議乃獨容部臣之邪說職不知
法紀謂何矣至其鄉評切齒種種多狀職尚未敢
執風聞以傷雅道第虚心平氣與之論道理如此
伏望

皇上卽從元荐言將前後諸臣疏 檢發九卿科道
嚴行勘議公私邪正一言可決無徒使姦人咆哮
而 國家橫被黨錮之禍至蕭雲舉王圖者則竝
去又何言哉職不勝激切待

命之至

刑科給事中彭惟城爲看詳章奏直糾兇邪懇乞
聖明乾斷 亟賜迸斥事職觀自古君子在位其執
公論甚固而小人溷進其護私黨亦甚強然小人
自知天下之不容公論之不與故百計求勝力更
猛于君子如此不除將貽天下之大患也今觀禮
部主事丁元荐憲臣持議當堅一疏詞意隱伏事
端夾雜真是市井無賴之尤而朋黨害正之最甚
者職不得不據疏糾之先是翰林王國被臺臣金
明時論劾疑其爲同差科臣王紹徽所知而紹徽
實出湯賓尹之門因并疑賓尹也故于京察內處

此二人而劉國縉喬應甲皆以不附王圖處徐大
化以發王淑朴納賄處金明時秦聚奎又察外重
處株連波及如秋風之掃落葉

皇上培養幾許人材而權門一月卽數人也夫 本
朝擅權大姦無如嚴嵩然考其入爲禮部尚書在
嘉靖十五年丙申之冬至二十一年壬寅秋乃以
大學士入閣中間掌大宗伯前後六七年御史桑
僑謝瑜葉經喻時童漢臣伊敏生給事中胡汝霖
南給事中王燁先後彈劾不遺餘力然嵩未嘗假
京察報復一人也迨至王燁累劾始寓書南尚寶

有邪臣敢亂察典一疏今又有持議宜堅一疏與職大亂將作之疏并觀之前唱後和若合符節故知有今日耳夫職去歲出京時喬允升出巡職未及面也至丁元薦職平生不及聞夢想不能到二臣爲察典偶發一則身親其事一則目擊其變者也與職疏實不啻風馬牛不相及者五六千里之外何以曰唱曰和哉職前歲一疏亦就一時之羣謀而言耳惟羣謀不散故有今日此當符之天下後世者又寧止二臣之相合已哉夫一桂之所力援者金明時秦聚奎諸人其所力排者職與丁元

薦諸人故職不必言誰邪誰正以增嫉忌惟是數人者其素行之清也濁也其識見之昏也明也其趨向之端也邪也其誰爲獨行也誰爲順使也誰爲朝廷也誰爲朋比也孰爲扶正也孰爲黨邪也清夜一思可得其微天理一發可分其局又何必苦苦與職等數人爲讐自墮于九淵而不知也職去歲見門戶分立竊用爲懼是以有二說並存之論不意職欲合而彼愈渙也古云臣下雷同非社稷之福故論事論人可否何妨于並陳是非何嫌于互見乃今一言不合則攻之一意不投則置

上三書以諷冢宰以救淮撫與王圖無與也當是時王圖之毒未發人皆以爲西北正人憲成並不曾一字及之何所干預而云苦于無隙借以發難總之江湖

廟廊各自有體陽羨函關各不同志而元荐强聯而一之其故何也豈不以爲東林名雖美而勢未顯必借天下之尊勢盛黨亦苦于勢之崇而名之未美也亦欲忻附東林以樹招徠引取之標而元荐旣借東林橫行鄉里又藉東林起官禮曹其于東林蓋生死之恩無足怪矣自以爲東林櫛柄在手

天下勢如破竹士大夫無不拱手環向不意壞于
一二敗羣遂入人糾繩中計畫無所復之故元荐
出死力以敵天下公論而不顧其一敗塗地也以
王圖之破綻旣于揆路無可望矣元荐妄想猶冀
冢宰之真誠尚未悉王圖之狼顧而冢宰之品望
或可保王圖之瓦全乘人危急之時易爲德而身
爲援溺之計功必倍是以走險出死力僥倖于萬
一耳嗚呼元荐亦愚矣韓侂冑時薛叔儀辛棄疾
陳謙皆從起廢顯用困于久斥附侂冑以爲營壘
損晚節而窺榮進爲天下笑元荐昔年昧三生之

恩今日希枉尋之利尚何面目聲聲說道學乎維
桑與梓必恭敬而副院許弘綱翰撰韓敬何以並
肆譏詆沈思考並無一人攻矣何以欲作合于冢
宰而因察事應論乃插入于崑宣非正人誠正人
抑揚不定之語乎心中忙亂眼底模糊若有物以
憑焉滿口狂談渾不自覺其官非銓宰爵非臺司
敢云七臣仍原擬聚奎從寬處分王三善陳儒皆
不當免旁若無人狐假虎威試問元荐七臣不仍
原擬當作何擬聚奎尚云寬處當作何處三善陳
儒既不當免當作何定奪試問元荐若七臣若聚

奎若三善陳儒果得罪于

朝廷何事當果付于法曹何律

聖明在上文武官僚在下元荐何以置對也夫天柱
賴以尊地維賴以立惟是朝有方正介特之臣
亭亭負忠槩之望百年樹立甚難一朝傾之甚易
有時而獲罪

君父猶可冀解網之期惟至于牴牾權姦遂永墮下
石之計此非盡權姦之爲害而諸獻佞揚聲者煽
禍天下不淺也職昔荐起廢諸賢顧憲成高攀龍
朱鳳翔錢養廉孫如法盛洪春等徧海內六十餘

賢而獨不及元荐蓋知其素行不端穢德彰聞乃
今纔赴任二十餘日濁亂國是搏擊善良甘爲
王氏之貢符子一時僉謂職有知人之明而職實
不意其兇邪一至此也蓋職嘗謂天下之姦人有
二吮靡舐痔者其心軟其氣柔其人狼視狐媚蠅
營狗苟是小人之有婦態者也殺妻烹子者其心
狠其氣悍其人蜂目豺聲鴟張虎噬是小人之有
賊心者也兩者均足壞天下而分塗異性尚不能
相兼今元荐脇肩于東林秦中強笑于沈思考而
又明言薨粉此輩爲東林秦中驅除異已始叅座

師終排同鄉畧無憐容是吮癰舐痔與殺妻烹子
合而爲一人也豈不殆哉叅照禮部主事丁元荐
鑽穴機熟食人膽竊旣鳴吠于權門猶假託乎學
脉以左右望而罔市利以蘇張口而文姦言以逢
蒙殺后羿之殘操戈于王錫爵以陳相從許行之
術棄學于顧憲成心桀口堯面帶十重之鐵甲夜
行晝伏足躡萬丈之銀紈單打雙槌之段然偏行
幫附金屋銀瓶之淑朴硬爲護持赴炎飛蛾不思
炎炎之易滅聚羶遊蟻寧知嫫嫫之可羞伏乞
聖明特賜進斥如嘉穀之去稂莠使僞學不雜于宮

牆若祥鸞之遠鷗鷄俾孔壬勿容乎

廟廊則冠帶加社而

社稷蒙安職不勝憤激俟

命之至

辛亥六月十六日

戶科給事中徐紹吉爲言路漸輕世道可慮懇乞
聖明宏翕受之懷作忠讜之氣以鎮愼邪以維泰運
事邇者吏部尚書孫丕揚又因臺省論列疏辯乞
休奉

聖旨察事已竣何得輕肆浮議念係言官姑不究卿
忠正無私朕自洞悉不必以此介意還卽出任事
以付眷倚勿得再辭吏部知道欽此夫以 溫綸
沛發薄責言官慰留耆舊在冢宰之沐 恩圖報
宜何如者越一日見輔臣葉向高揭帖乃知此中
會動 宸嚴因票擬攬回始及寬政

聖德如天從善若穀大小臣工悚感無已臣待罪掖垣宜兢兢仰休曷當瀆聒然一念激衷敢再有所陳竊以今年祭典公論弗勝言官不避指摘所以申國是也蒙宰夙負時望召起出間

皇上眷留再四所以存國體也就事論事會典載有科道叅糾之條瑕不掩瑜臺省率多老成可惜之語在言者始不爲溺職卽留者總出于

隆恩兩端竝存不宜軒輊況年來言官論事積滿公車幸恢恢

聖度一槩優涵塞諤無却顧之私朝端成不諱之

美雖以 宮府睽隔已深而

宗社安瀾如故賴有此耳察典而後辨析犁然

聖心虛明自無遺照豈尚兩岐于是非之介未合采
乎南北之公反欲譴怒于言官耶冢宰亦昔日之
言官也曾以忤觸貴歷荷

聖朝培養至有今日察典之誤始于假書爲祟終于
要挾激成以衆君子維之而不足以一二儉王亂
之而有餘冢宰剛腸偏聽舉 朝士大夫猶能亮
之然亦卒不爲之諱過寓相成于相拂亦恃其一
片真誠定能內訟不遠之復旦夕改絃故眷留冢

宰可也黑白不分槃留詭隨之輩則不可愛惜老
成可也親愛而僻不存言官之議則不可蓋一則
以全大臣之晚節一則以昭公道之攸歸臣雖駑
鈍不敢以未遂事無一諫也夫以君臣之間森嚴
堂陛分義所激下必甘心于不測精誠未動上多
詰責于逆耳卽誘之使言猶虞徘徊顧望而不肯
盡況可折之使就結約乎此番議論不有調劑其
間幾致

聖心無我之懷不垂明察有

使抗直之士未
張之口從此人

多繞指相率獻諛奔走依阿奚所不至矣天下事可不爲長慮耶故禮部主事丁元荐者大逞兇鋒橫恣僞辯初出憲臣持議當堅一疏敢于犯天下之公是而不顧于時諸臣平心駁之亦意其拊膺結舌少斂毒螫矣頃復一疏力詆臺省諸臣捩拾誣枉必欲伸其妬口棄經科臣張鳳彩糾叅臣又何必屑深折但以國家建立言官封駁糾彈自其職掌縱有彼此持議異同似乎上殿之爭要以公忠事主非爲私圖卽

祖宗令甲許諸色人等直言無隱豈爲元荐輩標榜

私交逢迎奧主曉曉洩忿于朝端之上作訟師者設也元荐自號清流儕耦欲張師說却見長安士紳無不吐棄之者宵小之怙終不悛必欲顛倒是非乃爾語云唐鼠易暘可謂知悔謝豺覆面可謂知愧若元荐者似不知人間有愧悔事矣惟是周永春叅處之疏未俞故咆哮反噬之態益驕窺闕今日方出後疏臣所謂言路之輕此其漸也然臣尤有望焉自乙未以來言路阻抑正士摧殘丁未而後此途漸開意每激發始驅滌貪佞扶植忠良卽山林廢棄一旦有起色言路之于世道利

賴夫豈淺尠未及兩年屈指勁挺介特之臣今冉冉幾盡矣嗟乎國家何不得畢收直言之益卽臺省何不得畢展直言之願也今缺人廢事已至捉襟露肘之極而考選候

命諸臣擲易邁之韶光耗方新之銳氣株守杜門支日爲歲計其鱗集輦轂之下當必曉暢

朝政善敗之原洞矚人品淑慝之辨引領宣綸以攄忠讜頃見

聖意所响或虞熱中安有揣摩循牆仰屋言路通塞之關邪正消長之會切繫于此矣伏望

皇上任人納言並行不悖將丁元荐亟爲議處以示
挫亂 國是無忌憚者之戒更蘄 速下考選宏
收忠藎共濟時難是在

皇上一舉筆間耳行見 聖德益光 聖度益廣正
直日進儉邪日消世道由此 清明人心由此歸
一久安長治之業直億萬斯年矣臣感憤一時言
路之輕亟冀言官登進之效乃不憚 斧鑕披其
懇款如此伏惟

皇上垂察臣無任悚息之至

刑科給事中彭惟城爲再叅無耻曹郎附權誤

國事臣于本年四月內見主事丁元荐疏詞狂亂維
時臣卽草彈文矣臣素性無一不與人言友人洩
言于外若懇止臣臣亦以投鼠忌器且姑已之詎
意元荐譸張無禮恨臣昨疏譏臣觀望臣之非觀
望天下誰不知元荐之兇邪天下亦誰不知今元
荐自知公論不容後來之言不已于是以觀望二
字箝一切之口元荐伎倆日造千般卽雖更撰字
面天下之口可得而箝乎臣請仍錄原疏上呈
而元荐當自知罪矣乃元荐昨疏紕繆又有不容

于不糾正者據元荐首疏云浮議紛還臣不知是何人浮議也臺省豈浮議之官察典豈浮議之事會典許科道劾奏者豈浮議之書元荐不自反其浮議敢妄加人乎據云南臺省高節王萬祚等與臣惟城則詆元荐顛倒是非一則申秦聚奎之說爲被察諸臣翻局而末以譏切講學爲撼東林臣按元荐顛倒是非極矣臣豈畏翻局之名者豈避申秦聚奎之說者天下事非一家私事時局旣差當翻則翻何必昧心扶同臣疏比聚奎疏外備列遷斥臺省部署王紹徽等一十二人直以改正

望冢宰冢宰虛公未以臣言爲過從此勘破邪謀
翻改假察害正之局則冢宰之廓然順應愈見于
天下而

朝廷察典之重後之人有所畏而不敢爲非臣諫官
也義當爭是非于

殿陛之上獨不可出改正二字以佐察典之末議元
荐以改正二字爲說夢豈欲盲天下于長夜不旦
之域而後快耶元荐何專務顛倒一至于此據云
所係不在一身在世道近歲郎中主事曾建言者
如劉元珍龐時雍秦聚奎等若而人博士中書都

察院照磨曾建言者如康元積吳宋郭良翰等若
而人封章流傳謬表著何獨一元荐沾沾以叅
座師爲名誇口不休又撼東林之說每每放在口
吻夫東林何撼之有林居清閑讀書談道征書將
自至誰與之爭講席誰與之徹皐比元荐輩自惹
事端耳天下人撼之欲何爲也據云庚戌會試人
言洵洵何不耳請會試不知洪武丁丑科以全場
之弊曾廷試矣倘會試果如丁丑故事誰人
不可元荐疏叅韓敬然韓敬窓稿元荐撰
序兩篇極其利其一一則比之文懿文縈取大物

猶擬之則韓敬未第時元荐固以會元期之矣其一則自喜其取大物之言俸酬則韓敬既第時元荐又方以會元信之矣夫既先後以會元許人信人及其爲人出力攻其座主則又盡反前言以爲借一魏科掩他醜元荐反覆機變不可方物如此況敢欲盡一榜士而波及之耶據云藩臬非遷謫之官何不見王國幕客偶一爲之而王國所惡之人便當爲耶元荐何辭以解于天下也據云起廢之臣何獨苛求不知臣等累歲之所荐吏部累歲之所起費盡苦心誰爲苛求者如王三善陳儒尺

牘相駁乃憲成益友當代格言非苛求也三善自理官擢吏部天下竝不聞以鬻楚獄相罪也卽至吏部日久亦不聞快權門相誹也時以前書規正顧憲成遂來東林刻骨之恨而柰何復望臣爲

九廟發憤此何言乎臣將爲東林發憤乎藉令王三善肯依附東林以是爲非則雖如元荐所誣借

高皇帝子孫快權門元荐必不相傾也藉令陳儒肯依附東林以是爲非則雖如元荐所誣貪賊縱至累萬而元荐亦必不忍自撤其藩籬也惟是二臣不欲巧言亂德辯言亂政形之筆扎元荐日夜憂

愁恐門戶塌倒無以自庇遂欲察外捏情併處關
弓報怨可乎不可乎據云徐兆魁朱一桂高節等
彼未知學彭惟城自以豫章道學之宗而認湯劉
王喬爲君子則世間何者爲小人臣亦不知湯劉
王喬果爲何如人但王圖炙手可熱之時而能矯
首自立不屑扳援臣斷謂其真君子也徐永高諸
臣臣亦不知其果知學與否但據其生平皎潔介
石自持不諂不瀆知微知彰臣斷謂其真知學也
據云臣惟城不明邪正而辯真僞且不獨爲臣惜
而爲豫章諸臣惜臣亦不知何謂邪正但臣前疏

所云松柏之孤生勁特無所因倚是卽謂正所云
蘿薦之弱不能立必附他木是卽謂邪此千古邪
正真僞之辯必不能易臣之言也臣鄉諸臣誰有
與元荐共肺肝者乎臣鄉諸臣之學講良知良能
而東林近日之學講考察講良知良能者反
已潛修而講考察者到處嚷鬧此可同途而
論也豫章亦仕國也異時諸臣有晉用者元荐左
足又將窺豫章而應矣異哉元荐乃云自甘僞學
則亦何憚而不爲哉昨南臺省高節等三疏及臣
一疏皆循職進言義無規避而元荐宣言于外謂

將有

旨重處三臣并臣惟城不知元荐何從窺伺真蓋世之神姦矣適見右給事中張鳳彩叅劾元荐謂其兩疏爲贊駁駿有欲次之色真令小人愧悔無地臣今不屑更與元荐費齒牙但舉生平自矢之言以告元荐也曰趨捷徑者可以爲卿爲相臣不爲也臣寧爲農夫而已矣業傍門者可以爲仙爲佛臣不爲也臣寧爲凡夫而已矣臣志決矣若夫速允蕭雲舉王圖之去以消傾軋之端處分元荐以儆無耻附權之習自有

聖明之大法 廟堂之公論 在臣復何言 臣不勝激
切待
命之至

辛亥六月十七日

兵科給事中朱一桂爲邪臣阿附甚明垢差難洗
乞賜顯斥以清仕路事先是臣等扼腕察事發
憤有言雖激于丁元荐之疏而起乃其大旨總在
闡明時局于元荐不過點綴數語稍折其附秦之
姦固未屑卽其疏一一詳駁之也頃元荐又有

國是愈參邪謀轉熾一疏謂臣與周永春御史徐兆
魁起攻彼夫元荐豈不當攻者哉臣尚惜攻之未
甚耳請再就其言而折之元荐欲卸巧附之名謂
其疏與史記事蹊徑各別其心亦知記事之非急
欲自異矣不知記事等之倉倉皇皇正在謀逐王

紹徽等而苦不厭人心今元荐獨于數人極力醜
詆污蔑之詞不一而足若曰不如是不足以扶同
處者之非枉而代主察者解嘲如此蹊徑可謂與
記事別乎記事等之兢兢逐逐正在擁戴王圖而
苦不協時望今元荐疏中乃有因父而庇其子因
子而擊其父等語若曰王圖本無過特爲淑抹受
過以爲此解或可不礙其揆路阿護保舉之意躍
然言外如此蹊徑可謂與記事別乎記事等乘京
察之舉爲一網之計正在借大典以箝人口而
彼亦曰一成不可變會典具奏定奪之文果是

不變之側乎至其前疏且謂其功甚大其心獨苦
敢犯通國之論而不恤不過逢太宰之意而當
王圖之謀肺肝如見猶曰妄加附秦之名職不受
也夫旣以身在溷廁之中矣縱掬盡長江之水庸
得洗乎而誑言何爲者總之窺炎炎之世情效當
先之死力信冥冥之瞽說施下石之險謀彼已昧
真心而反言剖真心彼已亂名實而反言核名實
彼已傷大體而反言持大體彼已乖物情而反言
平物情一任如簧之口難逃局外之觀不煩逐款
細折應先姦膽自鷄矣若以端學脉一語標榜自

高謂臣等之譏東林爲未知學夫憲成主盟東林聚徒講學臣等何常訾其非卽其起光祿傲朝命不赴而旋推僉院臣等亦何常阻其出獨其黨護淮撫兩書之貽倒翻公論臣等間有駁議然亦事過則已誰執成心元荐乃爲借顧憲成之書爲發難臣以爲發難自元荐不自他人也向來長安喧傳謂東林不止淮撫二書也如前歲之外計去歲之考選今歲之京察無事不叅預無時不溷于尺牘紛馳居間暗入山林而制

廟堂之權此豈清時事臣等正恨知而未及言而

今元荐一盤托出矣臣等之不能無言正元荐激
之也且臣等亦就事論事何關道學如以道學而
論元荐又不足齒矣顧憲成立身行已自有本末
其雅負時名也原不以道學重卽東林中之以道
學稱者有真有僞其人亦可指而數也至依傍道
學以益其武斷之行者則無如丁元荐爲最元荐
謂臣等爲不知學臣雖不知學不爲不知元荐巨
盜之貲可匿則不難以身翌蔽之甘爲窩主而不
辭丁邦相非託命之人與臣知其結盜分賊之行
不知其學富監之貸不應則不難因事構陷之成

其子而不恤金文樓非被害之家乎臣知其殺人
報怨之行不知其學黃金窠可得丁應曆可鴆毒
手陰謀施而千金之松竹築永謝故主矣臣知其
圖產害命之行不知其學硃筆票可假丁敬載可
恫喝乎虛契寫而五十畝之負郭田竟爲已物矣
臣知其設詐取財之行不知其學睚眦臧懋循之
細忿則唆蔣彬告清祖墓地至累累傍塚發掘無
遺者誰作之俑乎臣知其傷教背義之行不知其
學垂涎郎文煥之吉壤則啖賣主逼贖故業而暴
其棺至講學座中慟哭而起者誰爲之孽乎臣知

其忍心逆理之行不知其學夫以元荐之人品如此而竄身東林不重爲東林辱乎以東林方負盛名以號召天下而令元荐廁名其間不又羞天下士乎卽此兩疏其猖狂恣睢之狀檮杌不啻何物魍魎輒以清流自許以邪黨加人哉元荐謂賓尹之門人捏構其私單單何必自今構臣于前歲外計之時遇一湖州人問之曰以陳太守之賢而人多議其刻何也其人答曰陳太守擊斷豪強德意非不善但以澤慶誤收元荐而元荐因以狐假恐嚇鄉人富家巨室挾詐殆遍如所謂黃金窠之類

不可枚舉鄉人怨之恨不欲食其肉而寢處其皮
陳太守去慮其爲怨家所告百計鑽謀起官以京
察降調竟不赴部而躡躡禮曹抑何捷也比始入
京先以密柬通南道御史張養正橫詆沈孚先使
去垂涎吏部于是倒身王圖借力引援而挺然以
一疏爲贅矣彼但服官二十餘日狂志勃發臣謂
元稹幸而到任在考察之後使其先時入長安得
參入幕之謀不知其攬亂察典又當如何耳故其
欲附王圖不攻湯賓尹不見爲真附欲攻湯賓尹
不舍所親愛之韓敬不見爲力攻以故同梓之情

不顧世講之誼不顧姻婭之戚不顧聞其先一日
與韓敬會飲于相知之宅與韓溫款交歡達旦比
其疏上餘醞猶在人心之險一至于此彼自誇少
年觸忤權貴與先叅王錫爵以攫世資是爲背師
又賣韓敬以窺要路是爲負友不祥之人莫大焉
臣見其在鄉不容逃而之 朝今在 朝不容將
復返其鄉歸見江東父老若知叅韓敬之故必然
其唾其面臣不知其大庭廣衆何以爲容清夜平
旦何以爲心可借道學名色遮掩其面目而已哉
臣亦不屑啾啾與元荐競曲直但慮其顛倒錯脅

濁亂

朝政若不早行辟杜世道人心復何底止伏乞
乾斷將元若行亟行罷斥以爲邪臣阿附之戒并爲
道學雪耻則國是清而橫議亦息矣臣無任感
憤激切之至

辛亥六月十九日

工科給事中歸子顧爲流言貽禍已極邪說傳倡
可憂惡乞

聖明大奮乾斷以杜禍本以安 國家事臣竊惟繁
孽之生也其初根芽尚微馴致蔓延惑亂而不可
解迫本末漸著而禍萌未息及今不復亟爲隄防
之杜絕之坐令枝蔓橫生而姦人得借此混淆清
議無已時使 國家終受其禍臣之所大恐也爰
自議論多而紛爭起姦人巧于害正者往往以流
言中人難以枚舉總之日新月盛道聽神粧巧點
新奇豔侈之說令好事者踴躍播傳謬稱輿論哄

騰之口令無心者不覺先入或顯托名流以傾正
人之聽或組織貝錦以携兩賢之交將欲深其禍
乃陽譽其人之美以隱中之必欲螫其人乃故假
其人之筆而反射之啗人以所夙夜之大利令情
迫瓦全者不得不信嚇人以不旋踵之大害令智
昏金注者不能不從蹊徑雖多要之言非其質文
不付情察理易明平心自見至若秦脉一書尤屬
刺謬情辭不倫姦人挑激曉然此何難識乃王圖
既非自造何不質其人以明心迹不然亦宜付之
一笑胡愴惶狼狽奚怪金明時一疏不復引罪而

盡疑疏中所連及之人并重疑疏外絕不相蒙之人當時辯疏中突有大姦大惡等語舉國馴聞遂致闌及察典至今人心不平誰爲厲階諸所連及如劉國縉等南北具有公論臣不敢復贅卽如王紹徽臣同官同門也爲人清介坦直矢心報

主如近日紹徽同鄉御史張惟任揭中歷歷符臣所覩一字不虛且紹徽與臣雅厚善每見其耻言人過失澹泊名利于人絕無枝憊而謂其害同鄉可乎人或訝其視同鄉疎落臣乘間問之紹徽語曰身爲珥筆之臣而頻廁足于同鄉需次大臣之門

不惟非所以自愛且非所以愛先達也臣深心服其言而謂其畜害圖之心可乎奈何鑠金銷骨之口適投如賢修怨之衷且因紹徽而并及絕不蒙之湯賓尹盡納一阱抑何狠也夫不顧人來不察書之踪跡一接飛矢快意彎弓是使屈草動盡屬疑城隻字片言輒舉毒焰致誤計事大啓紛囂嗚呼流言之中人一至于此而好用流言之禍不已極乎卽今兩京大典告竣南北公論已明主計者至公至平之本心原不爲累佐計者調停幹旋之苦心人多見原諒察諸臣只須爲法

安命真品豈容埋沒當事諸臣量自爲國憐才
寧忍錮人終身此皆可以無言第流言一節則從
來紛囂之本根而信用流言尤今日害政之大孽
也今假書未明而用假書之人未去臣恐窺隙傾
正將揚其未發之波而改局鼓浪展轉自驚者將
附其可噓之根而易地生枝如禮部主事丁元荐
其人者猛護邪鋒橫抗公論敢肆胸臆詆誹言官
且東林與察臣各不相蒙元荐必欲組而爲一旣
借東林以固權貴之援又借權貴以張東林之焰
而已則中處而兩受其利爲東林權貴之功臣跡

其疏中詞氣傲慢放誕不經真藐視世皆聾瞶一無所知且惕于其威勢而一無敢言者抑何狡且悍也獨不思天下之是非果一東林可以遙制也果爾則

皇上亦何用部院之推敲臺省之檢舉直須拱手聽命耳此其紕繆矯誣不可以欺三只童子者大率姦謀非流言則其結禍不深目今流言貽禍業已至此而挾邪說者復力引爲重由是藉不根而夢囃其語何人不可汙蟻昧本心而變幻其辭何事不可顛倒如此則紛囂安有寧時而國家受禍

將有不忍言矣伏乞

皇上軫念禍本之從來速杜方張之邪說罷斥元祚
至重圖與蕭雲舉更不待言仍乞

勅諭大小諸臣今後一應流言慎勿聽信如假書等
項當投遞之時亟執其人案問來歷依律治罪倘
係蜚聞尤禁轉相傳布務使支蔓永消嫌怨盡釋
相與和衷供職以報

君父庶議論息而國家自安也臣有慨于中已非
一日卽此疏屬稿亦且至再第念臣爲賓尹門下
賓尹之品中外自有定論卽不以臣一人之言爲

重輕而險邪之人必藉口以臣爲黨于賔尹卽不然且以爲佐鬪也故隱忍以待乃今南北議論昭于日星臣亦何忍引嫌負國并自違其心若樹黨翻局之說此傾險者借以箝人之口夫人卽至愚孰肯舍已殉人甘以身試不測之淵哉此等機局行道已洞晰肺肝無俟臣言亦安忍顧慮自保而終爲默默也臣無任惶悚待

命之至

辛亥六月二十日

湖廣巡按史記事爲邪人得勢益張謹直陳奸謀以乞

聖斷以安

宗社事萬曆三十七年二月時御史鄭繼芳叅原任工科給事中王元翰貪總之二款一款言通暮夜之金贓私七八十萬一款言其盜庫藏錢寶無數被賊劫一層卽得七十四錠今人賊並獲而元翰不敢認後元翰罄身出都以明其無贓此屬已往事但當時繼芳出疏原屬有意懼臣言三日拜不次及見臣二次臣以大義責之繼芳惶恐無地求

職保全其語具備前疏中夫元翰與臣無舊而繼
芳則同取兵部相與數年後又同臺同道無日不
聚款會天壇監禮又同榻連夜稱契厚矣故彼時
心嗔其非而情實難拂後旬日間叅元翰者章滿
公車臣恐天下萬世之公道漸滅盡也特出一持
平疏聊言元翰曾有功言路今攻奸之局未結不
宜自相矛盾並未一字斥繼芳之非也且云繼芳
京師人其言未必無據是職之爲 朝廷與爲朋
友者意亦婉而心亦苦矣乃繼芳澈潑欲死于臣
一疏再疏若與臣不共戴天之讐者而臣不理後

胡忻與史學遷再疏救元翰而繼芳又合力攻臣
臣亦不理後南臺省公疏單疏救元翰而繼芳又
攻臣一味誣罔無復人理是時臣不得已乃出一
平氣解紛疏謂繼芳言其貪臣言其功不必嫌怨
又勸繼芳撤福見而還之大同亦未一字斥其非
也臣意止欲存微翰于世間故不願芳太分析耳
昨歲四月劉國縉等又爲王基洪構元翰突出一
奇着臣有急用人以培國脉疏內言覆楚復楚
申伍不以殊行爲譬避馬負荆廉藺竟以合力扶
魏而今之喜同惡異者又將何居原兩設並存以

希繼芳等自悟自解不意今歲察前繼芳又撻舊
事叅臣其意與金明時應且謂南北叅疏自臣倡
之臣歎曰是何重誣南北臣而輕視天下士也識
者自是揜鼻何足辨昨察後朱一桂又撻臣疏叅
臣其意又與金明時同且謂部院臣而甘爲小人
幟也識者自是燭照何足深辨方拜一疏聊言今
昔情形而邸報再至又見繼芳有直發邪謀疏其
大指爲察典處其編師卒徒故叅太宰而句句不
丟乎臣臣不覺髮上指冠曰有是良心盡死如繼
芳也者夫當其三叩臣門搖尾乞憐時臣心曷鄙

之而猶謂其知慚也故寬之又寬忍之又忍至于
今乃恃邪黨日熾正人日孤而力催太宰必欲
心于臣夫臣言旣明臣去何難惟是繼芳強聒
眼使人不知黑白之所由辨邪正之所由分則
國釀禍其罪可容誅哉臣今日不得不抉繼芳
之陰謀以告

君父矣夫陳治則一一爲沈一貫鷹犬此

皇上所知也其黨邪害正難以枚舉亦

皇上所知也其密揭保舉李廷機尤

皇上所知也當保舉時臺省多人俱靡然相從獨元

翰胡忻汪若霖等四五人力持之則治則恨元翰
與胡忻等入骨後備考選處若霖而史學遷糾之
則又恨學遷入骨臣被命以來力擊廷機一貫
等諸奸又彙治則十年來奸狀烈三十餘條請上
方之劍治則又恨臣入骨此在廷諸臣所共知
也而繼芳爲治則門人原收之以備緩急之用者
故師生祕謀已非一日臣猶記繼芳叅元翰疏末
有曰元翰何人乃敢明目張膽其恨其明目張膽
也可知矣故言貪且不過借口而報復者乃其本
謀惟讐不止一元翰故又借庇貪之名攻臣攻胡

所攻學遷者無遺力無已時也繼芳不記李光輝之言乎一日繼芳求舊臺臣光輝止衆人勿再救元翰光輝笑曰我安知誰救之而先止之也大端嘿者不能使之言言者不能使之嘿如公果無言何畏人言又曰人說公爲人報讐爲人翻案初猶不敢信昨胡與史未嘗一字斥公公醜詆不已若又不端爲元翰者人言得無然乎是時臣與工曹張嘉言同在坐問之亦殊悚然不知繼芳愧汗流幾許矣嗟嗟光輝亦繼芳座師也其言猶凜凜在耳何不信光輝而獨信治則乎故繼芳叅元翰臣

不曰爲貪而曰報讐如果爲貪乎則貪孰甚于治則哉其賊私臣曾臚列其狼狽以告

君父原疏見在

御前可檢可覽也嗟嗟元翰卽貪猶有多功可准治則旣貪更有積奸當誅如何舍奸黨一字不道今猶爲之用事恨忠直一刻不放卽無干而猶爲之批根也試以忠與邪較叅治則者是耶非耶叅元翰者是耶非耶救元翰者是耶非耶叅救元翰者是耶非耶夫暮夜之說人人可知如劫元翰之賊旣獲七十四錠鍔寶并獲則捕賊必有衙門貯銀

必有衙門料繼芳有的據焉

皇上一令勅勘而元翰之貪否立見繼芳之貪否亦可立見矣何用潑賴爲哉嗟嗟當時論元翰者不下十餘人然或惑于流言或出于偶激或由于繼芳之哀請然中間君子自是君子小人自是小人此語臣于彼時卽言之奈何衆人各付于無心各安于無事獨一繼芳啾啾不休哉更可恨者無言不借渠輩明做訪單以誑太宰後太宰得之公論而正渠輩始懼而私書明疏遠近叫應今叅孫尚書者見累累相繼而反謂職等欲叅太宰左道

惑人大言欺世繼方可勝誅乎又可恨者無人不
疑如新考選諸臣明時先叅徐縉芳繼芳後叅李
炳恭今又添出徐良彥李邦華周啓元三人矣三
人臣不知其屬何省但記咨訪時人稱其循良清
正獨繼芳以爲五鬼其意只恐數人日後叅論故
爲先發之計耳不思沛公之後再無沛公平臣等
惟恐無賢以同升渠輩惟恐有賢以異已嫉技妬
能妨賢病國繼方可勝誅哉又可恨者巧借行奸
許副都爲察事與太宰相爭不過調停之意正慮
繼芳等無賴起而鬪爭耳其言太宰嫉惡太嚴可

見嚴則嚴矣惡則惡矣此語甚有分曉豈不知繼
芳者哉卽後疏其詞似遜而意實相成丁元荐論
其持議宜堅正是責備賢者之意前一桂援弘綱
以攻丕揚臣知弘綱必不受今繼芳且借弘綱以
攻丕揚弘綱能如此穢哉當且聞之而嘔矣借劔
行刺援儒入墨繼芳可勝誅乎夫三年以來職原
不欲明指繼芳之奸而今日言之豈得已哉誠爲
其死盡生來良心昧盡世間公道旣爲不貴等鷹
犬之發縱而猶敢說謊于

君父之前撓亂

朝政眩惑

聖聽無人臣禮至此伏祈

皇上將繼芳與臣等前後諸疏一

勅發部院從公會勘則是非明而議論定繼芳將安
所逃罪哉然臣于士風人情猶有慨焉臣自丙申
二月入京是時聞顧天峻之名儼然亦傾心納交
人有言其陰陽兩端者職不聽及歸南作出翻天
覆地之事而臣始信之是天峻爲一貫輩用而人
不知也湯賓尹與臣爲同年相與最久最深去歲
自春徂夏臣爲病有久不晤客至五月終賓尹偶
顧寓言邇來人多不諒浮議四起托臣在臺省中

探之辨之臣唯唯後問之多人果有物議臣特莫
逆亦以實告誠望賓尹之省改之也不意臣行後
賓尹日益狠狽是賓尹又爲一貫輩用而人不知
也至蕭雲舉者臣素聞之王侍郎稱不容口故景
慕有日去歲五月呂邦耀曾語臣曰蕭少宰非端
人也將來定爲社稷憂聞有欲發之者臣以平日
之意景慕告且力阻之昨喬允升有阻察典一疏臣
初不知其所指而一桂疏云指雲舉則邦耀向者
之言得無驗乎是雲舉又爲一貫輩用而人不知
也臣思賓尹雲舉豈不知一貫而爲之用然或爲

一貫之私人主盟卽所以爲一貫也言及于此臣
惟有流涕耳更可異者秦楚相構之說郭正域家
徒壁立日與經史對猶然寒士耳何云構秦秦人
無不傾心正域企朝夕

賜瓊以慰蒼生之望何云構楚正域爲一貫所恨曾
陷以妖書知秦人每抱公憤惟恐秦楚不敗終爲
子孫憂故乃爲相構之說欲徐收漁人之利而小
人果藉爲口實矣奸邪反間愚天下于股掌之中
眞從古所僅見也至繼芳等與派枝流實繁有徒
而迺委窮源總歸一貫及有一敗塗地者各諱其

行徑之差又或官箴操行有議者俱委之曰秦人不思訪經數月單過多日秦人豈得而私之夫指視莫揜獨知難欺倘閉閣一思又何必尤人之過也今天堦壞矣賓尹其宜省圖乎雲舉或意見之偶差耳如速撤藩籬以偕大道猶庶幾桑榆之收哉再祈

皇上嚴勅大小臣工以後勿徇私交勿枉公道行分門戶者不嫌舍己以從人見涉異同者各宜捐忿以求理庶臣下不比周

主上不孤立而世道人心尚有賴乎此臣一念之朴

忠願諸臣不以携二疑也則保身名利 國家善
孰大焉

辛亥六月二十四日

禮部主客司主事丁元薦爲衆口求勝不已再披
微誠以存公道事臣抵任以來兩疏別白邪正刑
科給事中彭惟成連章橫詆朱一桂等和之坐臣
附秦與以鉗臣之口臣于秦何附耶臣曩在山中
反覆邸報知湯賓尹決裂科場肆行賄賂喬應甲
王紹徽劉國綰合謀彈射傾害正人抹殺數十年
清議臣鬱積公憤無由一破邪說比入都見秦聚
奎首亂黑白阻撓計典臣一疏再疏猶然山中初
心爾祇爲國是何知有秦諸臣自謂不附秦矣
而甲曰公清乙曰正直甲曰衡鑑乙曰純臣奏牘

紛紛頌不容口 國士之感自揣何繇臣所不解也既謂東林與考察原不相蒙又云顧憲成等遙制察典一事自相矛盾臣所不解也君子小人各有定衡殺烈女賣進士者可爲君子貪至數十萬殺人如草菅狂呼叱咤于 至尊之前者皆可爲真君子噫何君子多且易也蓋惟成所攻之銓部爲毛一瓚林學會則所救之銓部宜爲玉三善文立縉所攻之詞林爲方從哲陶望齡則所救之詞林宜爲顧天垓湯賓尹如是而曰臣顛倒是非臣所不解也夫此肩事

均王臣爾臺省而欲庇其座師則座師欲庇其同
門則同門曾不曰巧附輒曰狂逞舉通國之公論
必盡歸依臺省所謂臺省者又必盡聽約束于惟
成等數人亡論天下人不服臺省中亦未必人人
心服也嗟乎是非天下之是非也臺省之重以人
不以權以理不以勢以正不以衆看詳章奏矣天
下又有議看詳者叅駁章奏矣天下又有議叅駁
者乙巳之察錢夢臯張似渠亦捨郭正域以撼溫
純楊時喬謂其借楚事處人也而倡調停之說者
云溫純楊時喬宜並去楊應文姚文蔚陳治則康

不揚等佐之囂然自以爲公論由今觀之公平私乎卽臣以四月中書忤權被察家食十餘年諸臣尚以臣不赴部再遷爲捷徑獨不能爲其黨需忍旦夕待公論之定歟軍政之

旨久候不下舉朝遑遑王之禎求一改正不可得惟成豈欲爲之禎作俑故倡此說與賓尹門人捏臣私置長安喧傳已久山人狎客聚族而謀其所臚列臣止此乎金王章係憲訪御史金忠士見在招卷可據臣父葬地買祭酒馮夢禎者也且墓木拱久矣若乃爲湖廣逐巨寇爲蔣侍郎義贖

賜瑩撫孤弟也而云鳩叔扶弱叔也而云奪產宗族
鄉閭之口能盡反乎臣幼學旣係賢守何至爲人
悞乎嗟嗟知貢舉之號簿三法司之成案巡青之
印冊職方之底簿功司之揭帖一一欲銷滅付之
莫須有乃借影嚮虛詞加臣哉諸臣自顧平生豈
能盡可人聽臣若舉以相訐類賈豎爭口語兒女
子勃蹊臣不屑也諸臣又謂臣賣友臣未嘗借于
王立手書以媚權勢有何負心不能歸見江東父
老至張養正之劾沈孚先指爲臣族則南臺省劾
臣者又誰族歟臣初出山愛臣者囑臣靜默謂可

立需華要臣傲然守其故我以十五年孤踪甘爲射的語有之獨退反成怒臣之謂矣臣一身不足惜所關國紀士風甚大臣更不憚再三之瀆仰干廷議惟

陛下檢發前後諸疏凡有關計典者盡

勅在廷諸臣從公虛勘臣卽長往丘壑不恨臣無任隕越虔懇之至

辛亥六月二十五日

其科給事中梅之煥爲時事敝壞已極入情竄兢不休直陳省費末議以洗惡習以圖實効事竊見節年以來合南北諸臣職業寄之空言心力敝于時局說者類云救時急務以省繁費爲第一義臣以爲徒曰省之決不可得而省也請畧陳其所當省與其所以省之之法可乎蓋聞觸邪指佞固所以成廓清之功而解紛息爭亦所以養和平之福先是諸臣僇力同心除君之惡如鷹鷂之逐鳥雀卽間有矯枉過直而名義甚正何可省也今王錫爵死矣沈一貫憊矣顧天垓斥矣李三才去矣卽

鄉評推重之李騰芳亦波及矣無論溺而又溺之
死灰拾而又拾之餘唾剝襲爪牙可厭可耻令人
欲唾欲嘔卽以幾番攻伐之餘若不善息恐病去
而元氣亦從之將殺人者不在病而反在攻病之
藥矣故今日之事止可解毒決不可又添毒止可
彌釁決不可又啓釁止可結前日之案決不可又
開他日之端且世界之所以再不得寧貼者過不
在言也而在言外之枝節每個題目一出輒趨走
如驚或依傍而言或假托而言或非其心之所欲
迫于時尚而言或明知事之不然借作陷穽而言

就今人言今事尚且牽纏不了其骨已朽之張居
正亦復有頻頻搭入者何爲哉使當今之世有綜
覈名實振肅紀綱擿身名以徇國如居正其人
者不知今日譴訛之徒敢如此全不事事一味饒
舌乎獨其奪情一節爲世大慘要之罪自罪功自
功祇今不死之人心豈無憑而吊之者特拘于時
套而不敢言耳夫心所欲言而不敢言者正所謂
公論也豈必逐響哉是以其言苟當不必多也苟
其未當多益悖也人惟不以當不當爲公而止以
多不多爲公此繁囂之所以日甚也嗟夫國步

多艱空言何補眼底時事是何景象豈無足煩憂
慮足費拮据者何不見于爭論時局之餘偶一款
款籌及之也豈 朝廷設官之意與人臣衛 國
之忠固只在彼不在此乎同舟遇風曾莫共救而
反羣噪于中流敝屋遭雨既不相掙而又私鬪于
同室自相廝壞不足惜而耽閣一切則真可惜也
竊意年來舌敝唇燥亦既勞苦可暫休矣臣之所
謂當省者此也然揆路虛懸等夢卜于一兔在野
章奏高閣付 國是于東郭混吹卽欲省之不得
也李廷機不去則擾攘之根正伏蕭王不放則異

未數日突有同邑無賴陳光燮倡言職非鄭姓捏
成遺腹抱養等語攙山病婦傳播輦轂始職乍聞
不曉所從置之不問既得家書乃知職之族人與
同縣陳姓以積忿相構陳恃世族橫加職族歷年
強壓以職初起家遂計嫁禍職一人造出一段奇
謗陳能三轉授陳光燮以飛中職而亡命混徒喜
爲奇貨蜂聚羣擁需索飯食橫肆粧詆傳奇者便
以爲莫須有矣時國縉政按中城已廉得其種種
無賴職亦卽具狀告明拘審之日國縉置此犯與
婦兩處訊其生年鞠其來歷語語轉換不合至是

理屈詞窮奸詐盡露但叩頭曰某實不知族人寄書來知之國綰又念愚民被唆不卽重懲止杖遣迤回籍婦人以年老免究奈可覆也職所爲無影之謗如是已矣是時論者無弗痛快而職尚以無端負此爲憾顧坐之爲罪耶夫論人必核其真言事當晰其理就據陳氏所捏枝節陳氏亦難自解而元薦偏能解之耶職父舉職方二十餘齡世豈有二十齡之身遽憂乏嗣至丐人之子以自育者豈有明知嗣非已出肯壯年不娶以自斬其後者職家四壁又聚族而居一動一靜誰不知之豈有

同之說亦長卽欲省之不得也銓司非掌記之役
代大臣答書者何心儀曹豈封駁之官與言路爭
馳者何故若不申明職掌各無越畔卽欲省之不
得也無爲而言者類直截而易了有爲而言者必
粘帶而多岐若不的確從朝廷起念的確緣公
正發憤卽欲省之不得也吠聲者莫折衷而佐鬬
益無以止煬薪之沸占風者難砥柱而任耳又適
以生交亂之階若不虛變態靜鎮羣紛卽欲省
之不得也事勢亢極者必反加人已甚者不祥年
來事故多端強半過情所激卽如尺書一青之誤

詎足掩生平大節之瑜而牽摻到今豈猶未足夫
四岳未聞連坐于堯朝韓億不忍錮人于聖世眼
前一步路若不稍稍放寬將何人不可株連何事
不成罪案卽欲省之不得也此其大畧也若夫
皇上漫不省視 廟廊全無主持徒悠悠泛泛聽時
政之多闕任人情之日非此尤繁之媒而冀之囚
也絕媒去囚所不修厥職敢復喧嘩咆哮唐突于
君父之前者以大不敬論庶幾省之之法乎惟
聖明裁察施行

辛亥六月廿六日

禮部主客司主事丁元薦爲乞

恩致仕以全初志事臣叨中萬曆十四年進士養病
丁憂延至二十一年十二月授中書舍人二十七
年大計以浮躁聽降三十八年四月起補廣東
按察司知事隨陞今職至今年三月二十四日到
任因主事秦聚奎疏撓亂察典臣懼國是溷淆
于四月二十一日冒昧直言南北臺省連章排詆
臣又不揆時勢兩具疏申辨伏念臣迂癖寡合少
無宦情慙口招尤老堅傲骨荷
陛下不次之擢豈微臣獨往之秋拜

命幾一載始入長安就列未三月輒滋煩瀆矢孤悰
而蹇蹇觸時忌以斷斷寧期爭勝于目前但存公
案于異日初心不爽分義自安臣之當去一也三
公不易介士之風可師一辭而退先民之程具在
與其違心九列不若直道三斥臣之當去二也出
山者方爲當路側目而臣適前驅繒弋益波及于
邁軸巖棲者方以時局戒心而臣先覆轍考槃更
永矢于嘯歌臣之不可不去者三也昔先臣莊杲
以久廢 召用偃蹇卽署數月引疾以歸臣何人
斯妄希杲萬一然世方競進安不及類逐什一之

趨市而

陛下多慎重刻印弗予若弄小兒以陷館苟借臣以
比冥飛之鴻臣亦妄自托以免弋人之慕是

陛下所以曲成臣者 恩逾渥而臣所以自全者道
更善伏乞

勅下吏部准臣致仕臣卽沒齒丘園狗馬之報世世
弗緩已臣無任隕越虔懇之至

辛亥六月二十六日

工科給事中馬從龍一本儉臣罪狀已明議論分
馳未決乞明白折衷以定人心以杜後患事臣聞
小人之禍莫大於附君子尤莫大於借君子之聲
勢以自助苗中之莠猶可言也木中之蠹不可言
也亦在君子之自悟而已悟則不動聲色而人情
貼服不悟則搶攘紛紜日引月長而國家受其敝
今歲京察在例升謫藉中者王紹徽喬應甲劉國
縉等人情惜之禮部主事丁元薦獨哆口攘臂具
間其肺肝已見諸臣彈疏中先是吏部尚書孫丕
揚有疏摘叅與聞察事科道曹于汴湯北京各申

前疏不揚誠心體國中外所知共事者皆一時之
選也試取元薦疏質之若聲嚮互答然然其所以
言之意豈可同日語哉黜幽大典紀法欲嚴怨府
難居羣情易閔親履其事痛癢自知不得不爭之
急辯之疾也然處分則不可謂不誤矣王劉喬三
臣持論每謂東林中有不肖者不可一槩稱賢元
薦恐此等議論漸明不便於已飲恨於中久矣借
事勃發一舉而東南西北連衡邪正黑白混淆奇
貨可居有過於此者乎臣故曰附君子之禍大也
今南北交章指摘甚嚴元薦猶嗷嗷不休當事者

不於此時明白叅破彼必曰某賢者與吾同志也
某言者皆害正者也廣布願牙焚惑衆聽其用君
子也若形魄之相附其眩真似也若水乳之難分
醞釀愈久脂毒愈深排擊愈力部黨愈繁其究能
使君子兩相傷而俱盡然後拔茅同類惟所欲爲
則社稷之憂不小臣故曰借君子之聲勢以自助
其禍尤大也臣以爲邪正低昂當于持衡之勢審
之邪正糾纏當于紐結之處解之部院當事諸臣
稱物之權而解結之鑄也不可以弗悟也是故不
耻微悞必請大同非真欲反汗易局大駭視聽以

啓僥倖之漸也亦曰平人情而已非奸黨而坐之
奸黨非賊汚而坐之賊汚人誰肯服士之愛各行
甚於愛官職一洗雪之俾隨地可以自効片言轉
移怨讟自息此人情之當平者一也二三年來爭
王元汾爭李三才局凡幾變營壘重重三臣者適
其關鍵一被挫折猜度橫生無救前車將貽後
鑒此人情之當平者二也沈一貫之黨人所耻談
今云救二臣者皆其餘孽又非身與之爲市也播
弄風影而蠢蠢者陷入其中朝紳之愚亦至是乎
此等羅織昔日爲新奇今日爲芻狗元鴈者猶守

爲陰符祕藏以蝕汗時彥誰其甘受此人情之當
平者三也王圖史記事等羣情久棄展布良難
去之不過爲燕璞留之曷足爲秦璧傷類敗羣并
秦人之利徒資元薦等押闔之資耳真金墮穢出
之無損於珍奇薦附松芟之益表於勁挺此人
情之當平者四也金明時之品無聞秦聚奎因事
釣奇者耳惟愈抑之故人愈揚之秦黨二字所包
者廣可不深思罷二三人之必不可救者乃所以
爲秦人也倘亦毒蛇螫手壯士斷腕時乎旁引波
及凡幾指名韓敬徐良彥若等多人悉與蕩滌繼

觀其後日立朝事業何如以光明正大之途消隱
伏反仄之變因敗爲功所全者衆此人情之所當
平者五也人情可與因任難與方爭君子代小人
受攻擊以迹見疑於天下此士類之所以憮惜而
奸人鼓掌稱快者也且沈思孝昔日阿內閣張位
媚內監張明傾陷正人矢口無忌楊東明首劾之
卽首被禍奸險媚嫉若當大任必壞天下元薦重
加獎飾至欲挈而昇以大物使士大夫之不肖者
以爲歸乎今日勢在秦則佯附君子以結秦歡一
旦冢卿倦遊叩誰家之關以乞憐又何難以一矢

相加遺乎故王圖等非附丕揚也託受知於君子
之名以行其私也元薦非附秦也阿附君子之小
人則以爲君子假道託宿皆不我疑以振其跋扈
飛揚之氣也彼王紹徽喬應甲劉國縉等卽露圭
角耳褊心善言耳慊忤不能容物耳抗直磊落不
匿瑕疵於元薦等孰巧孰拙孰險孰平此邪正之
定衡也邪正之分嚴於天塹今日之勢畧相首尾
一用之秦而目前之局亂再用之附秦而數年以
前之局亂詩曰君子如止亂庶遄已人有爲諂媚
之鬼所中者飲食視聽無苦也惟喜怒微失常然

非祓祝所能除者有人按劔而叱之則霍然解矣
臣故曰在君子之自悟而已至於元薦扶挾浮說
以道學氣節自負關係近日朝野一大機局臣請
明之無錫家食諸臣倡道東林當此利欲薰心之
時如扇暍人以冷風誠救世淑人之先務臣未能
知學然聞之名教禮法者士君子持身之律令也
故澡身必潔秉心素嚴視利欲如鴆毒慕道義若
饑渴龍門標的者趨附之階也必慎其初月旦冰
衡者毀譽之萌也必防其漸自晦自修臨深履薄
而人尊敬之所居君子享其利小人化其德風移

俗易而人不知其憂世也經濟事事謀求其自重也朝政一不掛口其教人也有誘掖無推轂其樂禁也有合志無黨同諸臣中有由此者雖舉世非之臣曰君子矣其反此者雖舉世譽之臣必曰小人矣愚夫愚婦有口聲音笑貌難欺元薦自反於二者何居學豈有物焉可操之以皦皦然凌八哉昔陸九淵講喻義一章聞之者至爲泣下未烹謂深中學者隱微沉痼之病元薦其念之否若氣節二字昔人有言忠義之變爲氣節氣節之流爲客氣蓋防之矣若丁此呂沈鈇輩真氣節乎真客氣

乎真有氣而無節乎真氣節俱喪而貪婪縱恣以
自絕於名教乎及潰敗糜爛身陷刑辟止以曾疏
劾某人之故能使當世賢豪爲之竭力援引以不
失氣節之名天下之鴟張狼戾嗜利無耻之徒何
苦而不裂名毀檢以從之哉昔鄒浩與田畫以氣
節相激厲浩直諫得罪畫迎諸途浩出涕畫正色
責之曰願君弗以此舉自滿士所當爲者未止此
也元薦自謂忤權胷中着此礙胃之物似於學問
未數數然也此事係世道人心甚大夫清議之失
當以清議政之不得已從事白簡畧一剖白臣曷

敢謂知言所可必者無一毫傷善之心耳或亦無
錫講學諸臣所不棄也總之責貴責賢使君子不
爲小人所乘乃今日急務臣款款之愚伏乞
聖明裁察臣無任激切俟 命之至

辛亥六月二十八日

工部屯田司主事鄭祖法爲天倫關係匪細人言
撫拾無端謹據實直剖仰祈

乾斷以杜訛傳以維世道事職一介草茅遭遇 明
盛由萬曆三十八年二甲進士除授今職授職之
後方日夜矢志捐糜圖報

聖恩于萬分一而未能也忽于是月十一日接邸報
見禮部主事丁元薦疏論時事因及舊中城御史
劉國縉內有受鄭姓私囑殺人生母以滅口一語
職讀一過業付不解比聞有窮其跡而不得者僉
謂其事指職夫職固當受此無影之謗矣丁元薦

欲甚國籍之罪無般不發耳語之訛藏名暗指似
無足怪者但天性何親滅倫何事垢誣何語而能
安然受之無說以處于此茲敢以職生身被誣及
國籍鞠審顛末一一爲

皇上陳之願

聖明垂聽焉職浙江紹興府上虞人父冕母丁氏生
職年甫十三兄妹相繼夭歿職母復見背時職父
纔三十餘歲念職伶仃誓不再娶蓋鰥居至今歷
十餘年如一日良自苦也庚戌年同職計偕中式
在邸將及年餘曾無異議忽念祖母劉氏南還去

舉子不收生不乳哺能掩其親里耳目于廿年一
旦以無干相囑爲其忌口所發者陳氏又豈有所
棄之子育之他家自諸生以至通籍曾無片語道
及乃因忌口所發而發之者尤異者此婦寡居在
隆慶年間職出世在萬曆十八年二月十四日嗟
乎誣明矣特元薦意在詆國縉而不察其實遂以
私囑之名爲得罪之案明有人非幽有鬼責自有
寸心難昧此何等事而以囑不囑論耶況國縉素
錚錚者何可囑臣甫釋褐猶是一書生耳何敢囑
都城四方襍居往往無賴之徒見縉紳初發構端

造影謂生自某氏令人疑惑窮究無根乃始招伏
歷歷可數如職更出無端又何待囑人非梟獍誰
不自爲所親職父見在也乃肯自甘不孝以其骨
肉至親徇人之口顏而不一昭雪有是理否又何
事囑信心信理孰假孰真俱可無辨祇慮世多疑
鬼人鼓風力欲快其私則風傳指爲實事欲加之
罪則生殺佐其談鋒此而可誣何不可誣此而可
假何不可假傷風敗俗莫此爲甚此職愚所爲冒
萬死而不敢不一鳴之

君父者也抑愚猶有說焉此等既在巡城御史問明

以爲浮言一息盡息而捕風者又轉眼借爲論端
則訛傳終不得白職心終不自安伏乞

勅下部院查議轉行本省撫按將陳氏始禍積棍陳
能三等并職族與構者嚴究造謗根因如律懲治
庶心跡斯明刁風知警而所裨于世道非淺鮮矣

辛亥六月廿九日